



物因丘墓而徵鬼神流於異端莫切根要至於丘壤
山川攻守利害本於地理者皆略而不書將何以佐
明主扼天下之吭制群生之命收地保勢勝之利示
形束壤制之端此微臣之所以精研

聖后之所宜周覽也謹上元和郡縣圖志起京兆府
盡隴右道凡四十七鎮成四十卷每鎮皆圖在篇首
冠於叙事之前并目錄兩卷總四十二卷臣學非博
聞識媿經遠馳騫雖久漏略猶多輕蹟宸嚴退增
越謹上

元和郡縣圖志卷第一

關內道一

京兆府雍州

開元戶三十六萬二千二百九十九

禹貢雍州之地舜置十二牧雍其一也周武王都鄴

鎬平王東遷以岐鄠之地賜秦襄公至孝公始都咸

陽秦兼天下置內史以領關中項籍滅秦分其地為

三以章邯為雍王都廢丘今興平也司馬欣為塞王都

櫟陽董翳為翟王都高奴今延州也謂之三秦高祖

入關定三秦復併為內史景帝分置左右內史武帝

太初元年改內史為京兆尹後與左馮翊右馮翊

之三輔其理俱在長安城中又置司隸尉以惣之光

武都洛陽以關中地置雍州尋復立三輔魏分河西

為涼州分隴又為秦州三輔仍舊屬司隸晉初省司

隸復置雍州愍帝之後劉聰石勒符健姚萇相繼竊

據之萇孫泓為劉裕所滅東晉復置雍州及京兆郡

尋為赫連勃勃所破遣子隗鎮長安號曰南臺後魏

太武破赫連昌復於長安置雍州孝武自洛陽遷長

安改為京兆尹隋開皇三年自長安故城遷都龍首

川即今都城是也初隋氏營都宇之體以朱雀街南

九二置宮殿以當帝王之居九三立百司以應君子

之數九五責以不欲當石之故置玄都觀及興善

寺以鎮之大明宮即唐高宗所置高宗

東麓七攝高京南備版邑每晴天齊景下視終南舍

元殿所居高明允得地勢大明東南曰興慶宮玄宗

蒲郊也廢京兆尹又置雍州煬帝改為京兆郡武德元

年復為雍州開元元年改為京兆府

謹按漢五年高祖在洛陽婁敬說曰陛下都洛陽豈

欲與周室比隆哉周之都洛以為此天下中丁仲四

方納貢職道理均有德則易以王無德則易以亡凡
居此者欲令務以德致人不欲阻險令後世驕奢也
今陛下而欲比隆成康之時為不侔矣且夫秦地被
山帶河四塞以為固猝然有急百萬眾可具因秦之

五里周明帝二年分長安霸城山北等三縣始於長安城中置萬年縣隋開皇三年遷都改為太興縣理宣陽坊武德元年復為萬年軋封元年分置明堂縣理永樂坊長安三年廢天寶七年改為咸寧軋元元年復名萬年縣

終南山在縣南五十里按經傳所說終南山一名太一亦名中南據張衡西京賦云終南太一隆窟崔峯潘岳西征賦云九峻截薛太一龍從面終南而背雲陽跨平原而連嶠冢然則終南太一非一山之也畢原在縣西南二十八里詩注云畢終南之道名也

書云周公薨成王葬于畢是也

白鹿原在縣東二十里亦謂之霸上漢文帝葬其上謂之霸陵王仲宣詩曰南登霸陵岸迴首望長安即此也

長樂坡在縣東北十二里即滻川之西岸舊名滻坂隋文帝惡其坂名改曰長樂坡

故軋道在縣東北一十六里即秦王子嬰降沛公之處也

細柳營在縣東北三十里相傳云周亞夫屯軍處今案亞夫所屯在咸陽縣西南二十里言在此非也

杜陵在縣東南二十里漢宣帝陵也

渭水在縣北五十里舊六北去縣五十里

灞水在縣東二十里灞橋隋開皇三年造唐隆二年

仍舊所創制為三南北兩橋

樊川一名後寬川在縣南三十五里本杜陵之樊鄉

漢高祖賜樊噲食邑於此

御宿川在縣南三十七里漢為離宮別館禁禦人不

得往來遊觀止宿其中故曰御宿

長安縣赤本秦舊縣初楚懷王封項羽為長安侯則

長安久矣非始於漢但未詳所在耳及高帝五年入

關復置長安縣乃取舊名以名縣也至隋開皇三年

遷都長安縣移於長壽坊西南隅乾封元年分置乾

封縣理懷真坊長安三年廢

龍首山在縣北一十里長六十里頭入渭水尾達樊

川秦時有黑龍從南山出飲水其行道因成土山疏

山為臺殿不假版築高出長安城西京賦所云疏龍

首以抗殿也三輔黃圖曰營未央宮因龍首制前殿也

細柳原在縣西南三十三里別是一細柳非亞夫屯

軍之所

長安故城在縣西北十三里漢舊都惠帝脩築本秦

離宮也按惠帝元年正月城長安三年春發長安六百里內男女十四萬五千人三十日罷六月發徒隸二萬人常役至五年正月發十四萬六千人三十日乃罷九月而城成城南為南斗形城北為北斗形周迴六十五里

太和宮在縣南五十五里終南山太和谷武德八年造貞觀十年發二十一年以時熱公卿重請脩築於是使將作大匠閻立德繕理焉改為翠微宮今廢而為寺

周武王宮即鎬京也在縣西北十八里自漢武帝穿

昆明池於此鎬京遺趾淪陷焉

秦阿房宮在縣西北十四里殿東西五百步南北五十丈上可坐萬人下可建五丈旗表南山以為闕為複道自阿房渡渭屬之咸陽庭中可受十萬人又置銅人十二於宮前

漢長樂宮在縣西北十五里

漢未央宮在縣西北十四里並在長安故城中

漢建章宮在縣西二十里長安故城西太初元年栢梁臺災越巫以厭勝之術請作建章宮為千門萬戶桂宮在縣北十三里長安故城中漢武帝所造

栢梁臺在長安故城中未央宮北

漸臺在未央宮西王莽死於此

神明臺在縣西北二十里長安故城西上有承露盤
漢博望苑在縣北五里武帝為太子據所立使通賓
客上林苑在縣西北十四里周匝二百四十里相如
所賦也

酒池在長樂宮中武帝所作以誇羌胡飲以鐵盃重
不能舉皆低頭牛飲西征賦云酒池監於商辛追覆
車而不寤

子午關在縣南百里王莽通子午道因置此關也

新豐故城在縣東十八里漢新豐縣城也漢七年高
祖以太上皇思東歸於此置縣徙豐人以實之故曰
新豐并移汾榆舊社街衢棟宇一如舊制男女老幼
各知其室雖雞犬混放亦識其家焉

古戲亭在縣東北三十里周幽王為犬戎所逐死於
戲即此也周章軍西至戲秦將章邯拒破之亦此地
也周幽王陵在縣東北二十五里

秦始皇陵在縣東八里始皇即位治驪山陵後徙七
十萬人今按其陵高大亦不足役七十萬人積年之
功蓋以驪山水泉本北流者陂障使東西流又此土

無石取大石於渭北諸山其費功力由此也

華清宮在驪山上開元十一年初置溫泉宮天寶六

年改為華清宮又造長生殿名為集靈臺以祀神也

三原縣次亦西南至府本漢池陽縣截薛山在今縣

西北六十里符秦於此山北置三原護軍以其地西

有孟侯原南曰豐原北曰白鹿原後魏太武七年罷

改置三原縣屬北地郡明帝孝昌三年蕭寶寅逆亂

毛洪賓立義捍賊永安元年於此置北雍州洪賓為

刺史亦謂之洪賓柵其故城在縣北五十里立又割

北地郡之三原縣於此置建忠郡以旌其功開皇三

年罷郡以縣屬雍州

高祖獻陵在縣東十五里

堯門山在縣西北三十二里

天齊原在縣西北二十五里上有天齊祠

黃白城在縣西南十五里後漢李傕亂政天子東遷

三輔飢歉乃移保黃白城即此地也

秦曲梁宮在縣西南十五里黃白城內

于謹墓在縣北十八里

醴泉縣次亦東南至府本漢谷口縣地在九峻山東

仲山西當涇水出山之處故謂之谷口溝洫志云伯

渠首起谷口尾入櫟陽袤二百里溉四千五百餘頃
田人得其饒歌曰田於河所池陽谷口鄭國在前白
渠起後涇水一石其泥數斗且溉且糞長我禾黍衣
食京師億萬之口謂此也後漢及晉又為池陽縣後
魏改為寧夷縣隋開皇十八年改為醴泉縣以縣界
有周醴泉宮因以為名

太宗昭陵在縣東北二十五里九峻山

肅宗建陵在縣東北十八里武將山

奉天縣次赤東南至府一百六十里光宅元年割醴泉縣界好時

武功新平郿之永壽五縣置

梁山高宗天皇大帝乾陵所在因名曰奉天其山即
禹貢所云壺口理梁及岐又古公亶父踰梁山至于
岐下及秦立梁山宮皆此山也

奉先縣次赤西南至府二百四十里本秦重泉縣後魏省至孝文

帝分白水縣置南白水縣西魏改為蒲城縣本屬同
州開元四年以縣西北三十里有豐山於北置睿宗

橋陵改為奉先縣隸京兆

玄宗陵在縣東北二十里

惠莊太子陵在橋陵東南三里

惠宣太子陵在橋陵東六里

惠文太子陵在橋陵東三里並在栢城內

富平縣

次赤南南至府本

漢舊縣屬北地郡後魏文

帝自懷德城移於今理周閔帝於縣置中華郡武帝省郡以縣屬馮翊開皇三年改屬雍州

中宗定陵在縣西北十五里龍泉山

代宗元陵在縣西北四十里檀山

順宗豐陵在縣東北三十三里甕金山

節愍太子陵在縣西北十五里

荆山在縣西南二十五里在岐山東禹貢荆岐既

鹽池澤在縣東南二十五里週迴二十里

後周文帝成陵在縣西北十五里

王翦墓在縣東北三里

司馬欣墓在縣西二十五里章邯長史降項羽封為

塞王

雲陽縣

次赤西南至府本

漢舊縣屬左馮翊魏司馬

宣王撫慰關中罷縣置撫夷護軍及趙王倫鎮長安

復罷護軍劉石符姚因之魏罷護軍更於今理別置

雲陽縣隋因之武德元年分置石門縣三年於石門

縣置泉州貞觀光年廢州改石門縣為雲陽縣

惠文太子陵在橋陵東三里並在栢城內

富平縣

次赤南南至府一百五十里

本漢舊縣屬北地郡後魏文

帝自懷德城移於今理周閔帝於縣置中華郡武帝省郡以縣屬馮翊開皇三年改屬雍州

中宗定陵在縣西北十五里龍泉山

代宗元陵在縣西北四十里檀山

順宗豐陵在縣東北三十三里甕金山

節愍太子陵在縣西北十五里

荆山在縣西南二十五里在岐山東禹貢云荆岐既

鹽池澤在縣東南二十五里週迴二十里

後周文帝成陵在縣西北十五里

王翦墓在縣東北三里

司馬欣墓在縣西二十五里章邯長史降項羽封為

塞王

雲陽縣

次赤西南至府一百一十里

本漢舊縣屬左馮翊魏司馬

宣王撫慰關中罷縣置撫夷護軍及趙王倫鎮長安

復罷護軍劉石符姚因之魏罷護軍更於今理別置

雲陽縣隋因之武德元年分置石門縣三年於石門

縣置泉州貞觀光年廢州改石門縣為雲陽縣

德宗崇陵在縣東二十里

嵯峨山一名截薛山在縣東北十里東西二十五里南北二十里山上有雲必雨常以為候

甘泉山一名磨石嶺在縣西北九十里週迴六十里車箱陝在縣西北三十八里縈紆曲折單軌纔通上阪即平原宏敞樓觀相屬即趨甘泉宮道也

涇水在縣西南二十五里初鄭國分涇水置鄭渠後倪寬又穿六輔渠今此縣與三原界六道小渠猶有存者謹按秦始皇元年韓聞秦好興事欲_{復之}乃使水工鄭國間說令鑿涇水自仲山西瓠口為渠東注

洛三百餘里欲以溉田中作而覺秦欲殺國國曰始臣為間然渠成亦秦之利秦以為然卒使_就渠既成溉澤鹵之地四方頃畝皆一鍾關中無凶年命為鄭國渠後至漢武帝元鼎六年一百三十六歲倪寬為左內史又奏請穿六輔渠以益溉鄭渠旁高邛之田後十六歲趙中大夫白公又奏穿涇水注渭中溉田四千餘頃人得其饒而歌之大唐永徽六年雍州長史長孫祥奏言往日鄭白渠溉田四百餘頃今為富僧大賈兢造碾磴止溉一萬許頃於是高宗令分檢渠上碾磴皆毀撤之未幾所毀皆復廣德二年_臣奏

先臣文獻公為工部侍郎復陳其弊代宗亦命先臣
圻去私礪磴七十餘所歲餘先臣出牧常州私制如
初至大曆中利所及纔六千二百餘頃

漢雲陽故縣在縣西北八十里

雲陽宮即秦之林光宮漢之甘泉宮在縣西北八十
里甘泉山上週迴十餘里去長安三百里望見長安
城黃帝已來祭天元丘處也齊人少翁謂武帝曰上
即欲與神通宮室被服非像神神物不至乃於甘泉
宮中為臺畫天地秦一諸鬼神而祭之又_{或指梁銅}
柱承露盤仙人掌之屬帝以五月避暑於此八月乃還

通天臺在縣西北八十一里甘泉宮中高三十五丈

望雷雨悉在下

咸陽縣

畿正東徽南至府四十里

本秦舊縣也孝公十二年於渭

北城咸陽自汧隴徙都焉秦自孝公惠文悼武昭襄
莊襄王始皇胡亥並都之始皇二十六年初并天下

收天下兵聚之咸陽鑄以為鐘鐻金人十二重各千

石置庭中徙天下豪富於咸陽十二萬戶每破諸侯

放其宮室作之咸陽北阪上以所得諸侯美人鍾鼓

充之咸陽之旁二百里內宮觀二百七十土木皆被

綈繡宮人不移樂不改懸窮年忘歸猶不能遍至胡

亥時天下叛秦漢元年秦王子嬰降漢項羽引兵西屠咸陽殺子嬰燒秦宮室火三月不滅及漢興以為渭城縣屬右扶風秦咸陽在今縣東二十二里漢渭城縣亦理於此符堅時改為咸陽郡後魏移咸陽縣於涇水北今涇陽縣理是也隋開皇元年改涇陽為咸陽大業三年廢入涇陽縣城本杜郵也武德元年置白起堡二年置縣又加營築焉山南曰陽水北曰陽縣在北山之南渭水之北故曰咸陽畢原即縣所理也左傳曰畢原酈郇文之昭也即謂此地原南北數十里東西二三百里無山川陂湖井

深五十丈亦謂之畢陌漢氏諸陵並在其上

短陰原在縣西南二十里

渭水南去縣三里

臨臯驛在縣東南二十里

長陵故城在縣東北三十里初漢徙關東豪族以奉

陵邑長陵茂陵各萬戶其餘五陵各千戶皆屬太

常不隸於郡

秦蘭池宮在縣東二十五里

秦慈石門在縣東南十五里東西有閣道即阿房宮

之北門也累慈石為之着鐵甲入者慈石吸之不得

過羌胡以為神

細柳倉在縣西南二十里漢舊倉也周亞夫軍次細柳即此是也張揖云在昆明池南恐為踈遠

棘門在縣東北十八里本秦闕門也漢文帝使將軍徐厲屯棘門謂此也

蘭池陂即秦之蘭池也在縣東二十五里初始皇引渭水為池東西二百里南北二十里築為蓬萊山刻石為鯨魚長二百丈始皇嘗微行遇盜於蘭池見窘使武士擊殺盜關中大索二十日

中渭橋在縣東南二十二里本名橫橋架渭水上始

皇都咸陽渭水貫都以象天漢橫橋南渡以法率牛渭水南有長樂宮渭水北有咸陽宮欲通二宮之間故造此橋漢末董卓燒之魏文帝更造劉裕入關又毀之後魏重造貞觀十年移於今所

便橋在縣西南十里架渭水上武帝建元三年初作便門橋在長安北茂陵東去長安二十里長安城西門曰便門此橋與門相對因號便橋

白起祠在縣城中

漢長陵在縣東三十里高帝陵也

安陵漢惠帝陵也在縣東北二十里

陽陵景帝陵也在縣東四十里

平陵昭帝陵也在縣西北二十里

渭陵元帝陵也在縣西北七里

延陵成帝陵也在縣西北十三里

義陵哀帝陵也在縣北八里

康陵平帝陵也在縣西北九里

太公墓在縣東北十里

周公墓在縣北十三里

蕭何墓在縣東北三十七里

曹參墓在縣東北三十五里

張良墓在縣東北三十六里

蒙恬祠在縣西北十五里

渭南縣歲西至府一本漢新豐縣地符秦時置後魏

孝明帝亦云孝於今縣東南四里置渭南郡及南新

豐縣西魏廢帝二年改南新豐為渭南縣武德元年

屬華州五年改屬雍

倒獸山一名玄象山在縣東南五十里王子年隱處也

渭水北去縣四里

箇水出縣西南石樓山北入渭

隋崇業宮在縣東十五里

秦步高宮在縣西南二十里

藍田縣畿東北至本秦孝公置案周禮玉之美者曰

球其次為藍蓋以縣出美玉故曰藍田周閔帝割京

兆之藍田又置玉山白鹿三縣置藍田郡至武帝省

郡復為藍田縣屬京兆後遂因之縣理城即峽柳城

也俗亦謂之青泥城栢溫伐符犍使將軍薛玘擊青

泥城破之即其處也

藍田山一名玉山一名覆車山在縣東二十八里

白鹿原在縣西六里晉栢溫伐符犍督護鄧遐等奮

擊於白鹿原即此地也

灃水故滋李也即秦嶺水之下流東南自商州上洛

縣界流入又西北流合澧水入渭

思鄉城在縣東南三十三里宋武帝征關中築城於

此南人思鄉因以為名

藍田關在縣東南九十里即峽關也秦趙高將兵拒

峽關沛公引兵攻峽關踰蕢山擊秦軍大破之

蕢山在縣東南二十五里

元和郡縣圖志卷第二

關內道二

京兆下

興平

高平

櫟陽

涇陽

美原

華原

同官

鄠縣

藍屋

武功

好畤

華州

同州

鳳翔節度使

鳳翔府

隴州

興平縣

畿東至府九十里

本漢平陵縣屬右扶風魏文帝改為

始平晉武改置始平國領槐里縣歷晉至西魏數有

移易景龍二年金城公主出降吐蕃中宗送至此縣
改始平縣為金城縣至德二年改名興平

始平原在縣北十二里東西五十里南北八里入咸
陽界西入武功界渭水南去縣二十九里

馬牧澤在縣東南二十里南北廣西里東西二十一里
百頃澤在縣西二十五里多蒲魚之利週迴十六里

槐里城周曰犬丘秦改名廢丘周懿王所都項羽封
章邯為雍王都廢丘亦此城也

武學故城在縣東南十里
馬嵬故城在縣西北二十三里馬嵬於此築城以避

難未詳何代人也

漢龍泉廟在縣東北二十四里武帝廟號也
漢黃山宮在縣西南三十里武帝微行西至黃山宮

即此也
章邯臺在縣東南十里

漢茂陵在縣東北十七里武帝陵也在槐里之茂鄉
因以為名守陵溉樹掃除凡五千人

漢公孫弘墓在縣東北十八里
衛青墓在縣東北十九里起冢象廬山

霍去病墓在縣東北十九里起冢象祁連山

高陵縣畿至南至八十里本秦舊曰縣孝公置漢屬五馮翊魏

文帝改為高陸屬京兆郡大業二年復為高陵

龍躍宮在縣西十四里高祖太武皇帝龍潛舊居也

武德六年置

姚興墓在縣東南十三里

櫟陽縣畿西南至一百里本秦舊縣獻公自雍徙居焉屬左

馮翊項羽立司馬欣為塞王亦都之案高帝既葬太

上皇於櫟陽之萬年陵遂分櫟陽置萬年縣以為陵

邑理櫟陽縣城中故櫟陽城亦名萬年城後漢省櫟

陽入萬年後魏宣武帝又分置廣陽縣周明帝省萬

年入廣陽更於長安城中別置萬年縣廣陽仍屬馮

翊郡隋開皇三年罷郡廣陽縣屬雍州武德元年又

改為櫟陽縣

煮鹽澤在縣南十五里澤多鹹鹵符秦時於此煮鹽

週迴二十里

清泉陂在縣西南十里多水族之利

漢太上皇陵在縣東北二十五里

汪陽縣畿南至七十里本秦舊縣漢屬安定郡惠帝改置池

陽縣屬左馮翊故城在今縣西北二里以其在池水

之陽故曰池陽後魏廢於今縣置咸陽郡符秦又置

涇陽文帝罷郡移涇陽縣於咸陽郡屬雍州即今縣是也

石安原在縣南七里高二丈東西三十八里南入

咸陽縣界

平長坂一本在縣西南五里

涇水西北自池陽縣界流入經縣南七里又東南入

高陵縣界春秋襄公十四年諸侯伐秦濟涇而次秦

人毒涇師人多死

焦穫音穫藪亦名瓠口爾雅十藪周有焦穫詩云獫狁

匪茹整居焦穫即謂此也案韓水工鄭國說秦令鑿

涇水自仲山西抵瓠口為渠即鄭白二渠也

秦望夷宮在縣東南八里北臨涇水以望北夷故名

之故胡亥死於此也

漢池陽宮在縣西北八里

龍泉陂在縣南三里周迴六里多蒲魚之利

太白渠在縣東北十里

中白渠首受太白渠東流入高陵縣界

南白渠首受中白渠水東南流亦入高陵界

美原縣畿西南至府秦漢頻陽之地以縣西北十一

里有頻山秦厲公於山南立縣故曰頻陽後魏別立

土門縣以頻山有二土門狀似門故曰土門大業二年省義寧二年再置貞觀十七年又省咸亨二年復置仍改名曰美原

頻陽故城在縣西南三里秦將王翦即此縣人也

華原縣畿西南至府一百六十里本漢役裊縣地屬左馮翊曹魏

皆於其地置北地郡元魏廢帝三年改為通川郡領

泥陽縣屬宜州六年改泥陽為華原縣大業二年省

宜州縣屬京兆垂拱元年改為永安縣天授二年又

置宜州大定元年廢之神龍元年復為華原縣

土門山在縣東南四里

役裊故城在縣東南一里漢縣也宣帝神雀二年鳳

皇集役裊城是也

泥陽故縣在東南十七里

漢步壽宮在縣東北三里

同官縣畿西南至府一百一十里本漢役裊縣地屬左馮翊晉屬

頻陽符秦於役裊城東北銅官川置銅官護軍後魏

太武帝改置銅官縣屬北地郡周朝除金作此同字

屬宜州大業二年省宜州縣屬雍州國朝因之

鄠縣畿東北至本夏之扈國啓與有扈戰于甘之野

地理志古扈國有戶谷戶亭又有其亭扈至秦改為

鄠邑漢屬右扶風自後魏屬京兆後遂因之
終南山在縣東南二十里

雞頭山在縣東南三十一里偽趙王石生不能守長
安欲西上隴士卒散盡遂入雞頭山尋為追兵所害
牛首山在縣西南二十三里南接終南在上林苑中
西京賦云繞黃山而款牛首是也滂水所自出

渭水北去縣十七里

豐水出縣東南終山南自發源北流經縣東二十八
里北流入渭

龍臺澤在縣東北三十里週迴二十五里

八部澤在縣東南五里週迴五十里

故鄠城在縣北二里夏之扈國也

鍾宮故城一名灌鍾城在縣東北二十五里蓋始皇
收天下兵器銷為鍾虜此或其處

馬祖壇在縣東北三十二里龍臺澤中每年太常太
僕四時祭之春祭馬祖夏祭先牧祭馬社冬祭馬步

隋太平宮在縣東南三十一里對太平谷因名之

隋甘泉宮在縣西南二十二里對甘泉谷因名之

周鄠宮周文王宮也在縣東三十五里詩云既伐于
崇作邑于鄠是也崇侯無道文王伐之命無殺人無

壞室崇人聞之如歸父母遂虜崇侯作鄴邑崇秦晉之間

秦荊陽宮在縣西南二十三里

美陂在縣西五里周迴十四里

耳亭在縣西南五里夏啓伐有扈誓師于耳之野即

此處也

盩厔縣畿東北至府一百三十里漢舊縣武帝置屬右扶風山曲

曰盩水曲曰厔後漢省晉復立武德三年屬稷州貞

觀元年廢稷州復屬雍州天寶中改名宜壽後復名

盩厔

姜維領本名沉領在縣南五十里蜀後主延熙二十

年大將軍姜維率衆出駱谷經沉領即此也

望仙澤在縣東南三十五里中有龍尾堆

隋宜壽宮在縣東南三十二里

秦長楊宮在縣東南三十三里漢武帝好自擊熊羆

司馬相如從至上林上疏諫

秦五祚宮在縣東南三十八里

馬融讀書臺在縣東北二十七里

司竹園在縣東十五里史記曰渭川千畝竹今案園

周迴百里置監丞掌之以供國用義寧元年義師起

高祖弟三女平陽公主舉兵於司竹園號娘子軍
駱谷關在縣西南一百二十里武德七年開駱谷道
以通梁州在今關北九里貞觀四年移於今所
駱谷道漢魏舊道也南通蜀漢魏少帝正始四年曹
爽伐蜀諸軍入駱谷三百餘里不得前進牛馬驢騾
一本云以轉運死略盡少帝甘露三年蜀將姜維出駱
谷圍長城亦此道也

樓觀在縣東三十七里本周康王大夫尹喜宅也穆
王為召幽逸之人置為道士相承至秦漢皆有道士
居之晉惠帝時重置其地舊有尹先生樓因名樓觀

武德初改名宗聖觀事具樓觀本記及先師傳焉

武功縣

畿東至府一百四十里

漢舊縣古有郃國堯封后稷之地

周平王東遷以錫秦襄公孝公作四十一縣釐美陽

武功各其一也釐與郃音同字異武功蓋在渭水南

今郃縣地是也案舊縣境有武功山斜谷水亦曰武

功水故諸葛亮表云遣孟琰據武功水又杜彥達云

太白山南連武功山是則縣本以山水立名也武德

三年分雍州之武功好時蓋厓扶風之郃四縣於今

縣理置稷州因后稷所封為名貞觀元年廢州以縣

屬京兆

慶善宮在縣南十八里皇家舊宅也南臨渭水武德元年置宮貞觀六年鑾駕親幸讌羣臣賦詩焉

三時原在縣西南二十里高五十七丈西入扶風縣界故棨城一名武功城在縣西南二十二里古邠國也

后稷祠在縣西南二十二里

姜原祠在縣西南二十二里

隋文帝恭陵在縣西南二十里三時原上好時縣畿西南至府本漢舊縣在今縣理東南十三里故城是也時者神明所依止也以雍州積高神明之隩故立時以郊上帝諸神也後漢省武德二年分

醴泉縣置因漢舊名屬雍州三年改屬稷州貞觀元年廢稷州復屬雍州二十一年於廢上宜縣置好時縣今縣理是也其上宜縣隋開皇十八年置貞觀八年廢

華州 華陰四輔 開元戶三萬七百八十七 鄉七十二 元和戶一千四百三十七 鄉二十二

禹貢雍州之域周為畿內之國鄭桓公始封之邑其地一名咸林春秋時為秦晉界邑長城在州東七十二里或說秦晉分境祠華岳故築此城戰國時屬秦魏地理志云自高陵已東皆魏分也案史記魏築長城自鄭濱洛今州東南三里魏長城是也秦并天下

為內史之地二漢及晉為京兆之地後魏置東雍州
廢帝改為華州大業二年省華州義寧元年置華山
郡武德元年復為華州垂拱元年改為太州避武太

后祖諱神龍元年復舊

州境東西一百六十四里
南北一百四十里

八到東至潼關一百二十里
西至上都一百八十里

東至東都六百八十里
東至號州二百八十里
東至北號州二百八十里
南至商州八十里

貢賦 開元 賦 綿 苧 苧 神 細 辛 布

貢賦開元 賦 綿 苧 苧 神 細 辛 布

管縣三 鄭縣 華陰 下邳

鄭縣本秦舊縣漢屬京兆後魏置東雍州其縣

移在州西七里大業二年州廢移入州城隸屬雍州

至三年以州城屋宇壯麗置太華宮縣即權移城東

四年宮廢又移入城

古鄭城在縣理西北三里與元元年新築羅城及古

鄭城並在羅城內

少華山在縣東南十里

華陰縣望西至州本魏之陰晉邑秦惠文王時魏人

犀首納之於秦秦改曰寧秦漢高帝八年更名華陰

屬弘農郡後魏屬華州隋大業五年移於今理垂拱

元年改曰仙掌尋復舊名

長城在縣西春秋時晉分界處

大華山在縣南八里

永豐倉在縣東北二十五里渭河口隋置義寧元年

因倉又置監天寶三年左常侍兼陝州刺史肅堅開

漕河自苑西引渭水因古渠至華陰入渭引永豐倉

及三門倉米以給京師名曰廣運潭以堅為天下轉

運使灞漕二水會於漕渠每夏大雨天寶中每歲水

陸運米二百五十萬石入關大曆後每歲水陸運米

四十萬石入關

潼關在縣東北二十九里古桃林塞也春秋時晉侯使

詹嘉處瑕以守桃林之塞是也關西一里有潼水因

以名關又云河在關內南流衝激關山因謂之衝關

謹按秦函谷關在漢弘農縣即今靈寶縣西南十一

里故關是也今大路在北本非衿東之要漢武帝元

鼎三年楊僕為樓舡將軍本宜陽人今福昌縣也耻居關外上

疏請以家僮七百人徙關於新安武帝從之即今新

安縣東一里函谷故關是也而御傳所馳出於南路

至後漢獻帝初平二年董卓脅帝西幸長安出函谷

關自此已前其關並在新安其後二十年至建安十

六年曹公破馬超於潼關則是中間徙於今所今歷二處而至河潼上躋高隅俯視洪流盤紆峻極實謂天險河之北岸則風陵津北至蒲關六十餘里河山之險遷迤相接自此西望川途曠然蓋神明之奧區帝宅之戶牖百二之固信非虛言也

下邳縣

望東南至州八十里

本秦舊縣地理志屬京兆注下邳

秦武公伐邾式置以隴西有上邳故此加下也董卓遷都長安華歆求出為下邳令即此也後魏避道武帝諱改為夏封大業二年復舊後魏屬馮翊隋屬華州武德年屬同州垂拱二年復屬華州

漢蓮勺縣故城在縣東二十二里張禹本河內人徙家蓮勺

同州

馮翊四輔

開元戶五萬六千五百九十一和戶四千八百六十一

鄉一百二十一

禹貢雍州之域春秋時其地屬秦本大荔戎國秦獲

之更名曰臨晉魏文侯伐秦秦築臨晉今朝邑西南

有故城七國時屬魏始皇并天下京兆馮翊扶風並

內史之地及項羽滅秦為塞國立司馬欣為塞王及

漢王定三秦以為河上郡復罷為內史武帝更名左

馮翊魏除左字但為馮翊郡晉因之後魏永平三年

改為同州禹貢云漆沮既徙澶水攸同言二水至此

同流入渭城居其地故曰同州

州境 東西一百一十二里 南北一百三十五里 西至上都一百五十里 東至蒲津關六十里 東至華州八十里 南至華州八十里

貢賦

元開

和元

貢賦

貢賦

石鐵餅

麻黃

地黃

漢蕪子

賦張布

披文靴

賦張布

披文靴

賦張布

披文靴

賦張布

披文靴

賦張布

披文靴

管七縣

馮翊

朝邑

韓城

白水

夏陽

澄城

郃陽

馮翊縣

望郭

本漢

臨晉

縣故

大戎

城秦

獲

之更名

舊說秦築高壘以臨晉國故曰臨晉武帝改為大荔縣後魏改為華陰縣後以名重改為武鄉大業三年改為馮翊縣馮輔也翊佐也義取輔佐京師

沙苑一名沙阜在縣南十二里東西八十里南北三十里後魏文帝大統三年周太祖為相國與高歡戰于沙苑大破之其時太祖兵少隱伏於沙草之中以奇勝之後於兵立之處人栽一樹以表其功今樹往往猶存仍於戰處立忠武寺今以其處宜六畜置沙苑監

興德宮在縣南三十二里義旗將趣京師軍次於忠苑監

武園因置亭子名興德宮屬家令寺

朝邑縣

望西至州
三十五里

本漢臨晉縣之地大荔國在今縣

東三十步故王城是也後魏置南五泉縣西魏改為

朝邑縣以此據朝坂故以為縣西南有蒲津關

河橋本秦后子奔晉造舟于河通秦晉之道今屬河

西縣

長春宮後周武帝置大業十三年高祖起義兵自太

原舍于此宮休甲養士而定京邑武德二年於此置

陝東大行臺太宗居藩作鎮四年山東平乃移行臺

於洛州

通靈陂在縣北四里二百三十步開元初姜師度為

刺史引洛水及堰黃河以灌之種稻田二千餘頃

苦泉在縣西北三十里許原下其水鹹苦羊飲之肥

而美今於泉側置羊牧故俗諺云苦泉羊洛水漿

韓城縣

上西南至
州二百里

古韓國及梁國漢為夏陽縣之地

韓國故城今在縣理南十八里梁國在今縣理南二

十三里有少梁故城隋文帝分郟陽於此置韓城縣

春秋秦晉戰于韓原即此地也

龍門山在縣北五十里

龍門成在縣東北極嶮峻後周又於此置龍門關今

廢也

白水縣

望東南至州一百二十里

本漢粟邑縣之地屬左馮翊案

粟邑故城在縣理西北二十八里薛宣為左馮翊以

粟邑縣小僻在山中其人謹朴以頻陽令薛恭授粟

邑令尹賞二縣俱大理又為漢衙縣地春秋時秦晉

爭戰于彭衙是也後魏文成帝分澄城郡於此置白

水縣白水南臨白水因以為名隋文開皇三年罷郡

縣屬同州

夏陽縣

望西南至州一百三十里

古有莘國漢郃陽縣之地武德

三年分郃陽於此置河西縣在河之西因以為名又

割同州之郃陽韓城二縣於今縣理置西韓州取古

韓國為名也以河東有韓州故此加西貞觀八年廢

西韓州以縣屬同州乾元三年改為夏陽縣縣南有

莘城即古莘國文王妃太姒即此國之女也

澄城縣

望南至州一百里

漢徵縣也韋昭云徵音懲懲澄同

聲後人誤為澄文十年秦晉取北徵即此城是也後

魏太武七年分郃陽縣置又於今縣理置澄城郡開

皇三年罷郡以屬同州

漢武帝時嚴熊上言願穿洛以溉重泉以東萬餘頃

於是發卒穿渠自徵引洛水至商顏下

商顏今在馮翊縣界名

曰龍首渠案州西三十里有乾坑即龍首之尾也

王宮故城在縣西北春秋傳曰俘我王官剪我羈馬

郃陽縣望西南至州一百二十里本漢襄縣屬左馮翊在郃水之

陽詩大雅所謂在郃之陽是也水經注曰郃陽城南

有瀆水東流注于河耶郃水也按中瀆水蒲池瀆水

與南瀆水並在舊河西縣南五里今郃陽界內爾雅

云瀆出大尾下郭璞以為汾陰縣有水如車輪此水

亦然周武時屬澄城郃開皇三年罷郡以縣屬同州

羈馬故城在縣東北二十六里

鳳翔府岐州扶風四輔開元戶四萬四千五百三十五和戶七十五百八十

今為鳳翔節度理所

即九十二鄉八十八

管州二 鳳翔府 隴州

縣十四 都管戶八千三百六十四

禹貢雍州之域春秋及戰國時為秦都德公初居雍

即今天興縣也至獻公始徙櫟陽始皇并天下屬內

史項羽封章邯為雍王亦此地也高帝更名中地郡

復屬內史景帝更名主爵都尉武帝太初元年更名

右扶風所以扶助京師行風化也與京兆尹左馮翊

謂之三輔理皆在長安城中後漢出理槐里即今與

平縣東南七里故槐里城是魏文帝除右字為扶風郡亦是重鎮曹公使張郃屯陳倉建興中諸葛亮攻陳倉及郃皆不克晉太康八年為秦國後魏太武於今州理東五里築雍城鎮文帝改鎮為岐州隋開皇元年於州城內置岐陽宮岐州移於今理大業三年罷州為扶風郡武德元年復為岐州至德元年改為鳳翔郡乾元元年改為鳳翔府

州境東至北三百八十三里
東南至上都三百一十里
東至東都一千一百七十里
東北至郃州二百三十里
西北至興元府六百里
西取大白山路至興元府六百里

八到

貢賦

西南至龍州一百五十里
西北至涇州二百五十里
開元貢賦
龍巖薦蠟燭

管縣九

天興 岐山 扶風 普潤 岐陽

麟遊 寶雞 鞏縣 郿縣

天興縣次赤本秦雍縣秦國都也漢縣屬右扶風四面高曰雍又四望不見四方故謂之雍秦回中宮在

縣西漢文帝十四年匈奴入蕭關燒回中宮候騎至

雍即此也至德二年分置鳳翔縣永泰元年廢仍改

雍縣為天興縣

乾歸故城在縣西四十三里乞伏乾歸據苑川自号西秦因築此城

石鼓文在縣南二十許里石形如鼓其數有十盖紀周宣王畋獵之事其文即史籀之迹也貞觀中吏部侍郎蘇勗紀其事云虞褚歐陽共稱古妙雖歲久訛缺遺迹尚有可觀而歷代紀地理志者不存記錄尤可歎惜

岐山縣西至府五十里本漢雍縣之地周武帝天和四年割涇州鶉觚縣之南界置三龍縣開皇十六年移三龍縣於岐山南十里改為岐山縣貞觀八年移於今理

岐山亦名天柱山在縣東北十里

渭水在縣南三十里

五將山在縣西北六十里符堅為姚萇將吳忠所擒之處

扶風縣西至府一百里本漢美陽縣地武德三年分岐山縣

置圍川縣屬岐州取今縣南滄川水為名近代訛作圍四年隸入稷州貞觀元年廢稷州以縣屬岐州八

年改為扶風

普潤縣南至府九十里隋大業元年於此置馬牧又置普潤

屯後廢屯置縣在漢為漆縣并有鐵官今城西有漆

水又有小城蓋置鐵官處

岐陽縣

西南至府一百里

蓋漢杜陽縣地貞觀七年割扶風

岐山二縣置以在岐山之南因以名之

麟遊縣

西南至府一百六十里

本漢杜陽縣地隋於此置西麟州

營仁壽宮義寧元年唐高祖輔政廢宮是年獲白麟於

宮所因置縣

九成宮在縣理西一里即隋文帝所置仁壽宮每歲

避暑春往冬還義寧元年廢宮置立郡縣貞觀五年

復脩舊宮以為避暑之所改名九成宮

永安宮在縣西三十里貞觀八年置

寶雞縣

東北至府九十里

本秦陳倉縣秦文公所築因山以

為名厲右扶風大業九年移於今理在渭水北乾元

元年改為寶雞以昔有陳寶鳴雞之瑞故名之

陳倉城魏太和中將軍郝昭所築陳倉城適訖會諸

葛亮來攻亮本聞陳倉城惡及至恠其整頓問知昭

在其中大驚愕亮素聞昭在西有威名念攻之不易

初太原靳詳少與昭相親後為蜀所得及亮圍陳倉詳

為亮監軍使於城外呼昭喻之昭於樓上應詳曰魏

家科法卿所練也我之為人卿所知也曩時高剛守

祁山坐不專意雖終得全於今諂議不止我必死耳

卿還謝諸葛亮便可攻也詳以告亮亮進兵雲梯衝車晝夜距二十餘日亮無利會費曜等救至亮乃引去案今城有上下二城相連上城是秦文公築下城是郝昭築

陳倉山在縣南十里南接梁鳳二州界散關在縣西南五十二里蜀志諸葛亮出散關圍陳倉

三交城在縣四十六里司馬宣王與諸葛亮相距所築咸亨三年於縣東南開渠引渭水入昇原渠通船

至京故城即故長安城漢惠帝所築城在今故大興城之西北苑中號縣北至府古號國周文王弟號叔所封是曰西號

後秦武公滅為縣周改為洛邑縣大業三年復為號

縣貞觀八年廢天授二年再置郿縣西北至府本秦縣右輔都尉理所在今縣東一

十五里有故城今縣周天和元年築雲州建德三年廢武德元年又於故城置郿州三年廢州郿縣屬稷

州七年屬岐州白起即此縣人也縣在渭水南一里終南山在縣南三十里自岐山至郿縣以

太白山在縣東南五十里上八縣並次畿五丈原在縣西南二十五里初諸葛亮與司馬宣王

相持亮據渭水南原宣王謂諸將曰亮若出武功依

山東轉是其勇也若西上五丈原諸君無事矣亮果屯此原耕者雜於渭濱居人安堵軍無私焉

積石原在縣西北二十五里魏青龍二年諸葛亮出斜谷與司馬宣王屯渭南郭淮筭亮必爭北原遂先據之亮至不得上即此原也

縣理城亦曰斜城城南當斜谷因以為名斜谷南口曰褒北口曰斜

董卓塢在縣東北十六里卓封郿侯築塢高與長安埒號為萬歲塢

成國渠在縣東北九里受渭水以溉田

隴州 開元七年戶七百八十四

禹貢雍州之域秦文公所都漢為汧縣屬右扶風後魏置東秦州西魏文帝改為隴州因山為名大業二年省義寧二年又於縣理置隴東郡武德元年改為隴州

州境 東西二百九十五里

八到 東至上都四百六十里 東至東都一千三百二十里 南至鳳翔府二百五十里 西至來州二百四十里 北至原州三百三十里

貢賦 開元貢 龍巖席五領

管縣五 汧源 汧陽 吳山 華亭 南由

汧源縣 上郭本漢汧縣地屬右扶風在汧水之北後

魏改為汧陰縣隋改為汧原縣

隴山在縣西六十二里

岍山在縣西六十里北與隴山接禹貢導岍及岐是也大震闕在州西六十一里後周置漢武至此遇雷震因名

秦城在州東南二十五里秦非子養馬汧渭之間有功周孝王命為大夫

汧陽縣上西至州八十里本漢隃麋縣地因今縣東八里隃

麋澤為名周武帝置汧陽郡及縣尋省郡以縣屬隴水汧水在縣南一里

吳山縣上西北至州一百一十里本漢隃麋縣地後魏孝昌二年

於長蛇川置長蛇縣屬東秦州開皇十八年改為吳山縣

吳山在縣西南五十里秦都咸陽以為西岳今為國之西鎮山國語謂之西吳

華亭縣下正南微東至州一百一十里本秦涇陽縣地大業元年置華

亭縣以在華亭川口故名

小龍山在縣西四十里

南由縣下東北至州一百二十里本漢汧縣地後魏孝明帝於縣

西南曰谷口置縣因谷為名開皇三年省長蛇縣併

入南由屬岐州貞觀四年割入隴州
安夷關在縣西一百四十六里
長蛇川在縣西一百步
渭水在縣南四十里

元和郡縣圖志卷第二

元和郡縣圖志卷第三

關內道三

經原節度使 涇州 原州

邠寧節度使 邠州 寧州 慶州

鄜坊觀察使 鄜州 坊州 丹州 延州

涇州 安定上 開元戶一萬五千九百五十二 鄉五十五

墾田 今為涇原節度使理所

管州二 涇州 原州 縣九 都管戶

禹貢雍州之域春秋時屬秦至始皇分三十六郡屬
北地郡漢分北地郡置安定郡即此是也漢以六郡

良家子補羽林郎案六郡安定即其一焉後漢安帝永初五年徙其人於美陽以避羗寇郡寄理美陽在今武功縣界夷陽故城是也至順帝移於今理後魏太武神鹿三年於此置涇州因水為名大業三年改為安定郡大業末金城賊帥薛舉侵擾豳涇武德元年太宗西討會舉死因平舉子仁果遂改安定郡為

涇州

州境 東西一百九十六里 南北二百八十六里
 東至寧州一百八十里
 東南至東都一千三百四十里
 東至東原州一千三百四十里
 西至東原州一千三百四十里
 西北至東原州一千三百四十里

八到

北至原州城二百一十里
 北至慶州三百一十三里
 西南至隴州松路一百八十里
 南至鳳州二百五十八里
 東南至邠州一百八十里

貢賦

開元 貢 龍鬚 布 賦 麻 布

管縣五

保定 靈臺 臨涇 良原 潘原

保定縣

上 郭下 本漢安定縣也今臨涇縣安定故城也

後漢省後魏文帝大統元年自高平城移于今理屬安定郡隋開皇三年罷郡以縣屬涇州至德二年改保定縣

涇水在縣東一里

折塘故城在縣東十里西魏涇州刺史乙弗貴所築

隋末薛舉屯據於此城舉死仁果復竊據武德元年討平之

萬侯醜奴餘趾在縣東五里醜奴高平又後魏建義元年僭號於此

靈臺縣一上西至州本漢鶉觚縣屬北地郡周屬

趙平郡隋開皇三年屬涇州天寶元年改為靈臺縣

理西東接縣城即古密國之地也今縣理西陰密故

城是也詩云密人不恭也

臨涇縣上東南至州九十里本漢舊縣屬安定郡隋大業元年

於今縣理置秋谷縣取縣內秋谷為名十二年復為

臨涇縣皇朝因而不改案縣在彭陽川內彭陽水一

百步縣界兼有漢安武安定彭陽撫夷四縣之地也

良原縣上東北至州六十一里本漢三水縣地屬安定郡今安定

縣界三水故城是也大業元年分安定縣之地置良

原縣縣西南三十里有良原因以為名

汭水一名宜祿川西自隴州華亭縣流入

石原在縣西南所謂良原也

潘原縣中東至州一百里本漢陰盤縣屬安定郡在今邠州

宜祿縣西二十三里陰盤故城是也地有陰槃

原州平京中都督府開元戶元和戶鄉鄉州序文開

八到

東	東	東	西	南	正	北
南	南	南	至	至	西	至
上	至	至	會	秦	微	靈
州	涇	東	州	州	南	州
八	州	都	二	四	至	五
百	三	一	百	百	百	百
里	百	十	九	六	臨	里
	二	六	十	十	洮	軍
	十	百	里	里	六	百
	里	六			百	二
		十			十	里

貢賦

開元

賦

履

麻

布

總

管縣四

平高

平涼

百泉

蕭關

平高縣

郭望

本漢高平縣屬安定郡後魏太武太延

二年於今縣理置平高縣屬平高郡隋開皇三年罷

郡以縣屬原州大業三年以原州為平涼郡武德元

年重為原州縣仍屬

笄頭山一名崆峒山在縣西一百里即黃帝謁廣成子學道之處史記曰黃帝東至于海西至崆峒登笄頭是也漢書曰笄頭山在涇陽西禹貢涇水所出莊子云廣成子學道崆峒之山又後漢書隗囂使將王孟塞鷄頭道即此也

木破關在縣西南四十里

蕭關故城在縣東南三十里漢書文帝十四年匈奴入蕭關殺北地都尉是也

尾亭故關在縣南七十里即隴山北塹隗囂使牛邯守尾亭即是此也

秦長城在縣北十里

朝那秋郊祀志云秋泉祠那蘇林云在安定朝那縣方四十里冬夏不增減不生草木旱時即祠之以壺挹水置之於所在則雨雨不止反水於泉俗以為恒今週迴七里蓋近代減耗

監牧貞觀中自京師東赤岸澤移馬牧於秦渭二州之北會州之南蘭州狄道縣之西置監牧使以掌其事仍以原州刺史為都監牧使以管四使南使在原州西南一百八十里西使在臨洮軍西二百二十里北使寄理原州城內東宮使寄理原州城內天寶中

諸使共有五十監

南宮管十八監

西使管十六監

北使管七監

東宮使管九監

監牧地東西約六百里南北約四百里天寶十三年諸監見在馬總三十一萬九千三百八十七疋內一十三萬三千五百九十八疋課馬

平涼縣

上西北至州一百六十里

本漢涇陽縣地今縣西四十里

涇州故城是也後魏為長城郡長城縣之地周武帝

建德元年割涇州平涼郡於今理置平涼縣屬長城

郡開皇三年屬原州皇朝因之開元五年移於涇水

南貞元七年又移於舊縣南坂上今縣是也乃此軍

其中

馬屯山縣西十六國春秋云姚萇與符登戰於高平

登敗奔于馬屯山即此也其山南北二十里東西三

十里

百泉縣

上西至州九十里

本漢朝那縣地故城在今縣理西

四十五里後魏孝明帝於今縣西南陽晉川置黃石

縣隋煬帝改為百泉縣武德八年移於今所

可藍山一名都盧山在縣西南七十里十六國春秋

曰赫連定據平涼登可藍山望統萬城泣曰先帝若

以朕承大業豈有今日

涇水源出縣西南涇谷地理志云涇陽縣筭頭山涇水所出淮南子云筭頭山一名薄落水亦曰薄落水又南流經都廬山山路之中常如彈箏之聲故行旅因謂之彈箏峽

蕭關縣中百八十里本隋他樓縣大業元年置神龍

三年廢別立蕭關縣以去州闊遠御史中丞侯全德

奏於故白草軍城置因取蕭關為名

蔚茹水在縣之西一名葫蘆河源出原州西南顏沙

邠州新平開元三萬九千四百六十一鄉四十九
紫元和戶二千六百七十鄉四十九

今為邠寧節度理所

管州三 邠州 寧州 慶州 縣十九

禹貢雍州之域周之先公劉所居之地詩大雅云篤

公劉于豳斯館是也周本紀曰后稷子不窋末年夏

政襄奔戎翟之間至公孫劉修后稷之業乃國於豳

徐廣云新平漆縣東北有豳亭是也案豳國城在今

州理東北二十九里三水縣界古豳城是也自周東

遷其地屬秦秦并天下分三十六郡屬內史漢屬右

扶風今州理即漢右扶風之漆縣也漆水在今縣西

九里西北流注于涇今鳳翔府麟遊縣東西亦有一
漆水與此異也後漢於此置新平郡及姚萇之亂百
姓夷滅此地郡縣並無理所至後魏又置郡焉文帝
大統十四年於今理置南幽州廢帝除南字大業二
年省入寧州義寧二年復為新平郡武德元年復為
幽州開元十三年以幽與幽字相涉詔曰魚魯變文
荆并誤聽欲求辨惑必也正名改為邠字天寶元年
改為新平郡乾元元年復為邠州

州境東南二百七十里東至坊州三百一十里
八到東南至上都三百里南至奉天縣一百三十里

貢賦開元賦華苳白蠟米粟

管縣四 新平 三水 永壽 宜祿

新平縣望本漢漆縣也屬右扶風建武八年隗囂

悉眾攻略陽上漆進進止未定會馬援夜至上喜問

之援聚米以為山谷於上前指軍所從入上笑曰虜

在吾目中遂集兵考諸記汪漢之漆縣即今州理是

也姚萇之亂郡縣不立暨乎後魏於今縣西南十里

陳陽原上置白土縣屬新平郡開皇三年罷郡移白

土縣於今州城中置幽州四年改白土縣為新平縣

大業二年省豳州入寧州義寧二年復為新平郡武德元年以新平郡又為豳州縣屬焉

五龍原在縣南三里原側有五泉水因名

涇水西北自宜祿界流入

橐丘堡在縣西十八里東西南三面石坡峭峻高十

丈北面築城高二丈武德二年置貞觀元年廢

符堅墓在縣東南二里先兵有謠云河水清荷詔死

新城堅聞惡之語軍候曰地名新城避之至是為姚

萇所殺於新平城遂葬焉

三水縣隸州六十里西南至本漢舊縣有鐵官屬安定郡以

縣界有羅川谷三泉並流故以為號魏改三水縣為

西州縣亦屬安定後魏於今縣理西二十八里重置

三水縣取漢舊名屬新平開皇三年罷郡以縣屬豳

州皇朝因之

石門山在縣東五十里峯巖相對望之似門

柁邑故城在縣東上十五里即漢柁邑縣屬右扶風

古郇國也左傳云畢原豐郇文之昭也

古豳城在縣西三十里公劉始都之處

永壽縣州上西北至武德二年分新平縣南界於今理

北三十里永壽原西分置永壽縣因原而名貞觀二

年移於州東南八十里興元元年又移於順義店即
今理是也本漢漆縣之南界也

高泉山亦曰甘泉在縣北二十五里

涇水自新平縣界流入

醴泉苑在縣東北十里并宮並周所立後廢貞觀四
年置醴泉監兼置屯五所隸司農寺

宜祿縣十一里本漢淺水縣地屬上郡後魏為東

陰盤縣地廢帝以縣南臨宜祿川因改名隸涇州暨
周隋又為白土縣貞觀二年分新平縣又置宜祿縣
後魏舊名也

淺水原即今縣理所初金城人薛舉稱兵攻破郡縣
武德元年舉寇涇州屯兵於安定縣之析塘城太宗
親征相守六十餘日會舉死其子仁果統其衆并羌
胡十餘萬數來挑戰上遣總管龐玉自此原南出賊
之右因高而陣上率大兵自原北出其不意斬首萬
餘級賊大潰仁果懼而請降俘其精兵萬餘人男女
五萬口故城猶在今縣北五里

陰槃城在縣西北二十五里

昭仁寺在縣西十步淺水原上王師討平仁果詔於
此置寺碑諫議大夫朱子奢之詞也

長武城在縣西五十里隋開皇中築在涇河南岸武德元年廢大曆初郭子儀置兵以備西戎

寧州

彭原

開元戶三萬二千八百一十八元和戶一千一百七

鄉七十三

墾田

禹貢雍州之域古西戎地也當夏之襄公劉邑焉周時為義渠戎國其後戎翟攻太王亶父避于岐山脚而作周案今州理城即公劉邑地也後四北伐犬戎武王都鎬逐戎夷于涇洛之北以時入貢命曰荒狄周道衰荒狄不至後幽王為犬戎所殺至秦繆公得由余西戎八國來至秦昭王殺義渠戎王并其地始

皇分三十六郡此為北地郡即義渠舊地也漢氏因之後漢移北地郡居富平故城是也後魏延興二年為三縣鎮孝文太和十一年改置班州十四年改為邠州二十年改邠為豳取地名也廢帝三年改豳州為寧州以撫寧戎狄為名後周改為北地郡隋又為寧州大業中又為郡武德元年復為寧州貞觀元年改為都督府四年又廢府為州

州境

東三百一十六里南三百一十四里西三百一十四里北五百一十四里

八到

東南至東都四百五十六里東南至東都一千三百里東南至坊州二百一十里西至涇州一百一十里

東至坊州二百一十里西至涇州一百一十里

東北至寧州一百九十里
南至慶州一百三十里
南至邠州一百四十里

貢賦

開元

貢賦

訖績席
麻布

管縣六

安定

真寧

襄樂

彭原

定平

豐義

安定縣

望

本漢涇陽縣在今縣理東南方十五里

涇陽故城是也至後魏太武帝置安定縣取定俗安

人為義在今縣理北西三里定安故關自開皇三年

移縣入廢趙興郡理仍屬寧州皇朝因之

扶蘇墓在縣西北十八里始皇太子也監蒙恬築長

城始皇崩李斯矯詔死葬於此

真寧縣

縣西北至
州七十里

本漢陽周縣地屬上郡漢書陳餘

與章邯書曰蒙恬為秦將北逐戎人開榆中地數千

里竟斬陽州謂此縣也魏置涇陽惠陟二護軍孝文

太和十一年復置陽縣開皇十八年改為羅川縣南

羅水為寧屬寧州皇朝因之天寶元年改為真寧縣

子午山亦曰橋山在縣東八十里黃帝陵在山上即

郡臣葬衣冠之處史記曰漢武帝北巡朔方還祭黃

帝冢於橋山曰吾聞黃帝不死今有家何也或對曰

黃帝已上僊群臣葬其衣冠故有冢

襄樂縣

州 西南至六十里

本漢襄洛縣屬上郡後魏孝文改

洛為樂屬襄樂郡後周屬北地郡隋開皇三年改屬

寧州皇朝因之

秦故道在縣東八十里子午山始皇三十年向九原

抵雲陽即此道也

彭原縣

州 南至一百里

本漢彭陽縣地在今縣理西南六十

里臨涇陽縣界彭陽故城是也暨于後漢又為富平

縣之地後魏破赫連定後於此復置富平原南北八

十一里東西六十里

定平縣

州 北至七十里

自漢至晉並泥陽縣地後魏至周並

為安定縣地大業十年於此築城置東社驛武德

年於驛分安定縣置平定縣其驛移出城北

豐義縣

州 東南至八十里

本漢彭陽縣地今縣理西四十里

彭陽故城是也後魏於縣理置雲州周武帝保定二

年廢州為防隋文帝廢防名為豐義城武德二年分

彭原縣置豐義縣因舊城為名屬彭州貞觀元年州

廢縣屬寧州

慶州順化都督府

開元戶一萬七千九百八十一

鄉五十一

禹貢雍州之域古西戎地周本紀曰夏氏政衰后稷

子不窋奔戎翟之間今州理東南三里有不窋故城

是也春秋及戰國時為義渠戎國秦厲公伐并之虜其王義渠至始皇時屬北地郡案今州理即漢郁城地理志屬北城郡後漢郡境為虜所侵北地郡寄寓馮翊後魏文帝大統十一年置朔州周武帝保定元年廢朔州為周武防隋文帝開皇三年改置合川鎮十六年割寧州歸德縣置慶州立嘉名也義寧元年為弘化郡天寶元年改為安化郡至德元年改為順

化郡
州境
東至二百五十三里
西至一百七十里
南至四百七十里
北至一百七十里
東至一百七十里
西至一百七十里
南至一百七十里
北至一百七十里

貢賦
東至延州四百四十里
南至寧州六百二十里
西至原州四百四十里
北至靈州五百七十里
開元五年蘇府香

管縣十
順化
樂蟠
馬領
合水
華池

同川
洛原
延慶
方渠
懷安

順化縣中下本漢郁邛縣後漢迄晉戎虜所侵不立州縣後魏及周以為鎮方開皇十六年於今州城西南一里置合水縣在馬領白馬二水口因以為名屬慶州大業二年以慶州為弘化合水屬焉至武德二

年改合水為合川縣取隋合川鎮為名貞觀元年改為弘化縣天寶元年改為安化縣至德元年改為順化縣也

不窋墓在縣東二里

樂蟠縣

中北至川三十二里

本漢略畔道地也今縣理北五里

略畔故城是也後漢及晉為虜所侵逼此地無復郡縣後魏文帝於此置蔚州周武置北地郡隋開皇二年罷郡以彭陽襄樂二縣屬寧州義寧元年分合水縣置樂蟠縣屬弘化郡取樂蟠城為名也百官表云縣有蠻夷曰道案略畔樂蟠皆指此城方信訛舛故

不同其

馬領縣

中東南至川六十七里

本漢舊縣屬北地郡漢末為虜

所侵至後魏為朔州之地隋大業元年分合水縣於此置馬嶺縣復漢縣之舊名也十三年陷賊縣廢義寧二年於今縣理北四十里百家堡置馬嶺縣屬弘化郡以縣西一里有馬嶺坂因名

秦長城在縣西北一百二十六里即蒙恬所築也

合水縣

中西至川五十里

本漢略畔道之地在縣西南三

十八里故城是也自後漢至晉此地皆無郡縣至後魏為襄樂縣之地武德六年分合水縣置蟠交縣以

城臨大小樂蟠二水交口因以為名天寶元年改為合水縣

華池縣州不西南至一百五十里本漢歸德縣地也案漢歸德縣今

洛原縣是隋仁壽二年於今縣東北二里庫多汗故

城置華池縣因縣西華池水為名屬慶州皇朝因之

子午山舊名翟道山在縣西四十五里

同川縣州中下東至八十里本漢郁郅縣地義寧二年分寧州

之彭原縣西南十五里三泉故城置三泉縣屬弘化

郡武德元年改為慶州縣屬焉仍改為同川因同川

城為名

洛源縣州中下西南至州一百七十里本漢歸德縣地屬北地郡後漢

更始二年封岑彭為歸德侯謂此地也後漢迄晉無

復郡縣後魏文帝天統元年復置歸德縣大業元年

改為洛源縣因洛水所出為名皇朝因之

洛水源出白於山一名女郎山在縣北三十里

延慶縣州中南至四十里本漢郁郅縣地後魏於今縣理置翔

州隋開皇中改置合水縣武德六年移豐州戶住此

仍分合水縣置白馬縣西臨白馬川水為名天寶元

年改名延慶縣

方渠縣州中下東南至一百八十里古慶匡州倉在馬領川內因渠

為名景龍元年置取漢縣為名縣西北馬領山諸谷

水東南流經縣新置方渠堡因名之

懷安縣下南王州右居近党項藩落開元十年檢逃

戶所置故以懷安為名

鄜州洛交開元戶二萬一百八十五

今為鄜坊觀察理所

管州四 鄜州 坊州 丹州 延州

縣二十四 都管戶四千三百四十七

禹貢雍州之域春秋時屬秦至始皇時地屬上郡漢

為上郡雕陰縣之地秦漢雕陰在今洛交縣北三十

里雕陰故城是也暨晉陷於戎羯不置州郡符姚置

杏城鎮後魏孝文廢鎮改為東秦州孝明帝改為北

華州廢帝改為鄜州因秦文公夢黃蛇自天降屬于

地遂於鄜衍立鄜時為名大業初復為上郡武德元

年復舊為鄜州貞觀二年加為都督府十六年罷府

州城舊名立交城

州境東西北東二百六十七里

八到東南西北東至上都四百七十七里

東南西北南至東都四百七十七里

西至慶州一三百九十八里

南至坊州一三百九十八里

北至延州一百五十五里

貢賦

開元元和貢賦同

貢

龍鬚席

賦

麻布

管縣五

洛交

洛川

三川

直羅

甘泉

洛交縣緊本漢雕陰縣地屬上郡雕山在西南故曰

雕陰魏省上郡晉為戎狄所居符堅時為長城縣後

魏及周為三川縣隋開皇十六年分三川二縣置洛

交縣屬鄜州洛水之交故曰洛交皇朝因之

洛水在縣南一里

秦長城在縣東北三十里

偽夏太后城在縣西三十六里赫連勃勃間劉裕滅

姚泓令其子義真等守長安大悅自將兵入長安留

太后於此築城以居

洛川縣上西北至本漢鄜縣地後秦姚萇於此置洛

川縣以縣界有洛川水為名後魏置敷城郡開元三

年罷郡以縣屬鄜州

三川縣中東北至本漢翟道縣地古三水郡以華池

水黑原水及洛水三川同會因為名符堅時於長城

原置長城縣屬長城郡後魏廢帝改為三川屬中部

郡開皇三年屬鄜州

直羅縣中下東至本漢雕陰縣地後漢因之魏省雕

陰縣晉時戎狄所居後魏置三川郡隋開皇三年使

戶部尚書崔仲方築城以居之城枕羅原水其川平直故名直羅城武德三年分三川洛交於此置縣因城為名

大槃山在縣西北一百一十里

羅川水在縣南二里

甘泉縣中下南至州七十五里武德元年分洛交縣於伏陸城置

縣取城為名天寶元年改為甘泉縣本漢雕陰縣城

今在縣南四十里

伏陸山在縣理東北有阿伏斤谷其水出又潛流伏

川陸故號伏陸天寶元年改為甘川谷

坊州

中下

開元戶一萬五千七百一十五元和戶一十八百四十三

鄉四十四鄉十二

墾田

禹貢雍州之城古之翟國秦厲內史漢為左馮翊翟

道縣之地魏晉陷于夷狄不置郡縣劉石符姚時於

今州理西七里置杏城鎮常以兵守之後魏李文帝

改鎮為東秦州孝明帝改為北華州廢帝改為鄜州

元皇帝以周武帝時天和七年放牧於今州界置馬

坊結構之處尚存武德二年高祖駕幸於此聖情永

感因置坊州取馬坊為名

州境東西北一三百八十九里

八到

東至上都三百五十里

東南至都九百里

東南至同州二百五十里

西南至郿州二百一十里

西北至丹州二百六十里

北至鄜州一百五十里

元和貢同龍鬚蓆

集麻

方絃麻

貢賦

管縣四

中部

宜君

昇平

郿城

中部縣

上本漢翟道縣之地屬左馮翊魏晉戎翟所

居後秦姚興於今縣南置中部縣後魏文帝移入杏

城後周改為內郡屬郿州武德二年置坊州改為中

部杏城在縣西南五里相傳云漢將韓胡什杏木為

柵以抗北狄因以為名

宜君縣

上東北至

前秦符堅於後初縣故城置宜君

護軍後魏太武改為宜君縣文帝大統五年又移於

今華原縣北貞觀十七年廢縣地入雍州二十年置

玉華宮仍於宮所置宜君縣屬雍州永徽二年與宮

同廢龍朔三年坊州刺史竇師倫奏再置玉華宮在

縣北四里貞觀二十年奉勅營造其地本縣人秦小

龍宅太宗云小龍出大龍入當時以為清涼勝於九

成宮永徽二年有詔廢宮為寺便以玉華為名寺內

有肅成殿永徽中奉勅令玄奘法師於此院譯經每

言此寺即閻浮之變率天也

昇平縣州上東至天寶十二年刺史羅希奭奏割宜君

縣西北三鄉置去宜君縣三十五里

鄜城縣州上東至太漢鄜縣地屬左馮翊後漢省後魏

於今縣里置鄜城縣屬鄜城郡大業元年改鄜坊州

丹州上成平開元戶一萬二千四百一十二鄉三十五

墾田

禹貢雍州之域春秋時為白翟所居隋圖經云義川

地今其俗云丹州白室胡頭漢古其犬是胡其言習

中夏白翟語訛耳近代號為步落稽胡自言白翟之

後秦置三十六郡屬上郡漢因之魏文帝省上郡其

地晉時戎狄居之符姚時為三堡鎮後魏文帝大統

三年割鄜延二州地置汾州理三堡鎮廢帝以河東

汾州同名改為丹州因丹陽川為名領義川樂川縣

隋大業三年廢丹州於義川縣置延平縣十三年為

胡賊劉步祿所據義寧元年於義川縣置丹陽郡武

德元年改為丹州九年置都督府貞觀元年罷府為

州永徽二年移於赤石川

州境東西一百九十九里

東南至都五十五里

西南至都五十五里

東至同州三百五十里

西至鄜州一百六十里

北至延州二百五十里

貢賦

開元貢 元和貢同

麝香

蜡燭

龍鬚席

賦用麻布

管縣四

義川

雲巖

汾川

咸寧

義川縣

上郭下

本漢上郡之地二漢因之魏省上郡其

地至晉為戎狄所居後魏文帝大統三年置義川縣

屬義川郡因川為名大業二年廢丹州義川屬延州

義寧元年於舊城復置丹州郡縣在城內永徽二年

移於今理

雲巖縣

中川七十三里 東南至

武德元年分義川縣置在庫利川

南有雲巖山因以為名

庫利川在縣郭南昔有奴賊居此川內稽胡呼奴為

庫利因名之

汾川縣

上西至南 州七十里

本秦上郡地二漢因之魏省上郡後

魏孝文帝置安平縣理薛川屬樂川郡文帝改安平

為汾州開皇三年罷郡縣屬丹州大業二年屬延州

武德元年復屬丹州

黃河在縣東七里河岸頓狹狀似槽形鄉人呼為石

槽蓋禹治水鑿石導河之處石槽長一千步闊三十

步懸水奔流鼃鼃魚鼃所不能游

咸寧縣

中下西 州四十五里 南至

本秦上郡之地後魏孝文帝大

和十八年於白水川置永寧縣屬義川縣在今縣東

二十里永寧故縣是也文帝改為太平縣移于今所
隋文罷郡屬丹州十八年改太平縣為咸寧以界內
有咸寧鎮為名

延州

延安中都督

開元九戶一萬六千三百四十五

和戶九百三十八

墾田

禹貢雍州之域春秋時白翟所居秦置三十六郡屬
上郡在漢為上郡高奴縣之地今州理即上郡高奴
縣之城也項羽三分秦地以董翳為翟王都高奴即
其地也魏省上郡至晉陷為戎狄其後屬赫連勃勃
後魏滅赫連昌以屬統萬鎮孝文置金明郡宣武帝

置東夏州廢帝改為延州以界內延水為名置總管
丹延綏三州開皇八年廢總管但為延州煬帝以為
延安郡隋氏喪亂陷于殘寇武德元年百姓歸化置
總管府開元二年為都督府尋罷府為州

州境東西南北四百四十九里

八到東南西南都六千七百七十四里

東至隄州三百六十里
東至鄜州七百五十里
東至慶州四百四十里
北至夏州四百四十里

貢賦

元和貢賦同
蠟
麝香
賦用
麻布

管縣十 膚施 延長 臨真 金明 豐林

延川 敷政 延昌 延水 門山

膚施縣上本漢舊縣屬上郡趙武靈王滅齊中山

遷其人膚施漢書匈奴南侵至朝那膚施即其處也

魏晉陷戎狄隋煬帝大業二年分豐林金明二縣於

此置膚施縣復舊名也屬延安郡皇朝因之縣有五

龍山帝原水黃帝祠

清水俗名去斤水北自金明縣界流入地理志謂之

清水其肥可撚鮮卑謂清水為去斤水一作筋

延長縣中東至州一百三十里本秦膚施縣地後魏齊帝元年於

丘頭原置廣安縣隋仁壽元年以廣字犯皇太子名

改為延安縣大業末廢貞觀六年又置移於府北去

斤川今縣是也廣德二年改為延長

臨真縣中西北至州一百四十里本漢高奴縣地後魏文成帝置

臨真縣屬偏城郡周武帝天和元年稽胡叛攻破郡

城遂移於今理隋開皇元年改為臨真縣屬延安郡

皇朝因之

金明縣中東南至川四十八里本漢高奴縣地魏太武帝於此

置廣洛縣屬金明郡隋開皇四年屬延州後仁壽元

年以太子名廣改為金明縣大業十三年省入膚施

縣武德六年又分置金明縣

豐林縣

中下西至州三十里

本漢高奴縣地後魏孝文置廣武

縣屬偏城郡在今理東四十里周宣帝改為豐林屬

延州皇朝因之

琉璃山在縣北九十五里

延川縣

中西南至州一百五十里

本秦臨河縣地漢不改後漢省後

魏分安人縣於此地置文安縣隋文帝改為延州取

吐延川為名皇朝因而不改

吐延水北自綏州綏德縣流入

敷政縣

中下東北至州一百五十里

本漢高奴縣地後魏太和初置因

城縣隋文開皇六年於其中置金城鎮武德二年移

縣就鎮因改為金城縣天寶元年改敷政

延昌縣

中南至州百七十六里

本漢高奴縣地開皇三年於此

置朔方鎮十年以北有朔方鎮遂廢貞觀九年置罷

交鎮十年又置罷交縣屬延州取城北罷交谷為名

天寶元年改為延昌縣

塞門鎮在縣西北二十里鎮本在夏州寧朔縣界開

元二年移就蘆子關南金鎮所安置

蘆子關屬夏州北去鎮一十八里

延水縣

中下西至州二百一十五里

本秦臨河縣之地史記秦滅六國

使蒙恬北擊匈奴悉收河南地因河為塞築四十四

縣城臨河徙謫吏以成之漢因之在今縣理北十五里臨河故城是也後魏於其中置安人縣并安人鎮屬東夏州隋文帝廢鎮置安人戍武德二年重置安人縣屬延州貞觀二十三年改為延水縣取吐延水為名

黃河在縣東八里

門山縣

中 西至州二百十五里

本漢定陽縣地周宣帝大象元年

分汾州雲巖二縣於今縣南六里置北有山形似門因以為名武德八年於今縣地五里宋斯堡置丹州廣德二年割屬延州

黃河在縣東三十五里

元和郡縣圖志卷第三

元和郡縣圖志卷第四

關內道四

靈武節度使

靈州

會州

鹽州

夏州節度使

夏州

綏州

銀州

宥州

振武節度使

單于都護府

東受降城

麟州

勝州

豐州都防禦使

豐州

天德軍
西受降城

中受降城

靈州靈武大都督府

開元

元和

戶九千六百六

鄉二十七

管州三

靈州

會州

鹽州

縣十

禹貢雍州之域春秋及戰國屬秦秦并天下為北地

郡漢富平縣之地後漢安常永初五年西羌大擾詔
今郡人移理池陽順帝永建四年歸舊土其城赫連
勃勃所置果園今姚李千餘株鬱然猶在後魏太武
帝平赫連昌置薄骨律鎮後改置靈州以州在河渚
之中水上下未嘗陷沒故號靈州周置總管府大業
元年罷府為靈州三年又改為靈武郡武德元年又
改為靈州仍置總管七年改為都督府開元二十一
年於邊境置節度使以遏四夷靈州常為朔方節度
理所朔方節度管兵六萬四千七百八人馬二萬四
千三百疋永賜二百萬疋段

統經略軍

靈武郡城內

管兵二萬七百人

馬三千疋

豐安軍靈武郡西黃河外一百八十餘里萬歲通天
初置管兵八千人馬一千三百疋

定遠東城

靈武郡東北二百里黃河外景龍中

韓公張仁愿置管兵七千人馬三千疋

西城

九原郡北黃河外八十里景龍中韓公張仁

愿置管兵七千人馬一千七百疋西南去里所一千

餘里

安北都護府

亦曰中受降城景龍中韓公張仁愿

於黃河北岸置管兵六千人馬二千疋西南去理所千三百里

東城 榆林郡東北二百里景龍中韓公張仁愿置管兵七千人馬一千七百疋西南去理所一千六百餘里

振武軍 單于都護府城內天寶中王忠嗣置管兵九千人馬一千六百疋西南置至理所千七百里

天寶元年又改為靈武郡至德元年肅宗幸靈武即位昇為大都督府乾元元年復為靈州

州境東西南北八十里

八到

東南至上都一千二百五十里
東南至東都二千二百七十里
東南至鹽州三百里
東南至慶州六百二十里
東南至涼州九百里
西南至磧南彌城川水一千里

貢賦

開元貢

甘草

青虫子

鹿皮

紅花

野馬皮

鳥翎

鹿角膠

雜筋

麝香

花蓂蓉

赤檉馬鞭

管縣六

迴樂

靈武

保靜

懷遠

鳴沙

温池

定遠城廢

迴樂縣

郭望下

本漢富平縣地屬北地郡在今縣理西南富平故城是也後漢置迴樂縣枕黃河後魏刁雍

為薄骨律鎮將上表請開富平西三十里艾山舊渠
通河水溉公私田四萬餘頃人大獲其利孝文太和

七年雍又上表論漕運奉詔平高安定統萬平高今屬原州

安定今深州及臣所守四鎮出車五千乘運穀五十

萬斛付沃野鎮以供運糧臣鎮去沃野鎮八百里道

多深沙輕車往來猶以為難今載穀二十五斛每至

深沙必至滯陷又穀在河西轉至沃野越渡大河計

五千乘運十萬斛百餘日乃得一返大廢生人耕墾

之業車牛艱阻雖可令至一歲不過三運五十萬斛

乃經三年臣聞鄭白之渠遠引淮海之粟沂流數千

里周年乃得一至猶稱國有儲糧人用安樂今求於

嶰嶰山在今原州平高縣即今筭頭河水之次造船

二百艘二船為一舫一舫乘二千斛一舫十人計須

千人臣鎮內之兵卒皆習水一運二十萬斛方舟順

流五日而至自沃野率上十日還到合六十日得一

返從三月至九月三返運送六十萬斛計用人功輕

於車運十倍有餘不費牛力又不廢田孝文帝善之

下詔曰非但一運自可永為式

溫泉鹽池在縣南一百八十三里周迴三十一里

薄骨律渠在縣南六十里溉田一千餘頃

安樂州在靈州南稍東一百八十里

長樂山舊名達樂山亦曰鐸落泉山以山下有鐸落泉
水故名舊土渾部所居今土蕃置兵守之

靈武縣上東南至八里本漢富平縣之地後魏破赫連昌

收胡戶徙之因號胡地城天和中於州東北北置建安縣開皇十八年改為大潤縣仁壽元年改為靈武縣移入胡地城安置黃河自迴樂縣界流入

千金陂在縣北四十二里長五十里濶十里

漢渠在縣南五十里從漢渠北流四十餘里始為千金大陂其左右又有胡渠御史百家等八渠溉田五

百餘頃

保靜縣上西南至六十里本漢富平縣地後魏立弘靜鎮徙

關東漢人以充屯田俗謂之漢城隋改置弘靜縣神

龍元年改為安靜至德元年改為保靜

賀蘭山在縣西九十三里山有樹木青白望如駁馬

北人呼駁為賀蘭其山河東望雲山形勢相接迤邐

向北經靈武縣又西北經保靜西又北經懷遠縣西

又北經定遠城西又東北抵河其抵河之處亦名乞

伏山在黃河西從首至尾有像月形南北約長五百

餘里直邊城之拒防山之東河之西有平田數千頃

可引水溉灌如盡收地利足以贍給軍儲也

懷遠縣上南至州一在州東北隔河一百二十里本

名飲汗城赫連勃勃以此為麗子園後魏給百姓立

為懷遠縣其城儀鳳二年為河水沉損三年於故城

西更築新城縣有鹽池三所隋廢紅桃鹽池鹽色似

桃花在縣西三百二十里武平鹽池在縣西北一十

二里河池鹽池在縣東北一百四十五里

廢靈武城在縣東北隔河一百里其城本蒙恬所築

古謂之渾懷障即渾懷所理道故謂之靈武

新堡在縣西北四十里永昌元年置堡內安置防禦

軍二千五百人糧五萬石舊名千金堡今名新堡

鳴沙縣上東北至州本漢富平縣地屬安定郡在今

縣理東二百里原州周保定二年於此置會州建德

六年廢郡立鳴沙鎮隋文開皇十九年置環州以大

河環曲為名仍立沙鳴縣屬焉大業三年罷環州以

縣屬靈武郡貞觀六年復置環州九年州廢以縣屬

靈州神龍二年冬為默啜所寇因而荒廢遂移縣於

廢豐安城即今縣理是西枕黃河人馬行經此沙隨

路有聲異於餘沙故號鳴沙

温池縣上西北至州神龍五年置縣側有鹽池

定遠城廢在州東北二里即漢北地郡方渠縣之地
先天二年郭元振以西城遠濶豐安勢孤中間千里
無城烽候杳渺故置此城有兵募健五千五百人以
鎮之其後信安王禕更築羊馬城幅員一十四里
經略軍在夏州西北三百里天寶中王忠嗣奏於榆
多勒城置軍今隸靈武節度本屬夏州南去靈武六
百五十餘里元和九年於此城新置宥州
會州會寧府開元戶三千五百四十鄉六
禹貢雍州之域古西羌地周太祖為西魏相來巡會
師於此土人張信罄資饗六年太祖悅因命置州以

會為名周武帝保定二年廢州改為會防隋開皇元
年改防為鎮武德二年討平李軌置西會州貞觀八
年以此州倉儲殷實改為粟州其年又為會州天寶
元年改為會靈郡乾元元年復為會州

州境東西五百一十里
南北三百三十里

八到東南至上都一千一百九十里
東南至東都二千五百里
東南至原州三百九十里
西南至蘭州三百八十里
西北至涼州五百四十里
東北至靈州五百三十里

貢賦開元貢
覆鞞毯

管縣二 會寧 烏蘭

會寧縣上本漢鷓陰縣地周太祖置會寧縣屬會州
大業二年改為涼州縣武德二年又改為會寧

黃河堰開元七年河流漸逼州城刺史安敬忠率團
結兵起作拔河水向西北流遂免淹沒

會寧關東南去州一百八十里

河池西去州一百二十里其地春夏因雨水生塩雨
多塩少雨少塩多遠望似河故名河池

烏蘭縣上東南至州一百四十里本漢祖厲縣地屬安定郡後漢

屬武威郡前涼張軌收其縣人於涼州故武威縣側
近別置祖厲縣周武帝西巡於此置烏蘭關又置縣

在會寧關東南四里舊城內沙石不堪久居天授二

年移於東北七里平川置

塩州五原 開元戶二千二十五 鄉七

禹貢雍州之域春秋為戎狄所居地史記梁山經漆
之北有義渠胸衍謂此也及始皇并天下屬梁州漢

武元朔二年置五原郡地有原五所故號五原至晉

地沒赫連勃勃後魏平之改為西安州以其北有塩
池又改為塩池大業三年為塩川郡貞觀二年討平

梁師都郡塩州天寶元年改為五原郡乾元元年復
為塩州

州境 東西南北二百四十里

八到 東至上都一千七百里
南至上都一千五百三十里
東北至慶州四百五十里
東南至靈州三百里
西南至靈州三百里
西北至靈州三百里
貢賦 開元貢鹽上四十顆

管縣二 五原 白池

五原縣 上本漢馬領縣地貞觀二年與州同置五原
謂龍遊原乞地干原青領原可嵐貞原橫槽原也
鹽池四所 一烏池二白池三細頂池四瓦窰池烏白
兩池出鹽今度支收糶其瓦窰池細頂池並廢

白池縣 九十里 景龍三年勅置以近鹽池因以為名

宥州廢 在鹽州北四十里 調露元年於靈夏南界置魯麗倉

塞依契等六州以處突厥降戶時人謂之六胡州長

安四年併為匡長二州神龍三年復置蘭池都督府

在鹽州白池縣北八十里仍分六州各為一縣以隸

之開元十一年康大賓叛亂於此尅定後遷其人於

河南江淮諸州二十六年赦其餘黨遂於此置宥州

以寬宥為名也後為寧朔郡領縣三懷德歸仁延恩

寶應後廢其本末具新宥州

夏州 朔方都督府 開元戶六千一百三十二 鄉二十
元和戶三百 鄉八

今為夏州綏銀節度理所

管州四 夏州 綏州 銀州 宥州新置

縣十二

禹貢雍州之域春秋及戰國時屬魏秦并天下置三十六郡屬上郡漢武帝分置朔方郡後漢建武二十一年罷二十七年復置靈帝末羌胡為亂塞下皆空至晉末赫連勃勃於今州理僭稱大夏勃勃字屈丐朔方匈奴人父衛辰符堅時為西單于遂有朔方之地辰後為後魏所煞勃勃殺高平沒單于拜其衆自稱天王於朔水之北黑水之南營起都城即今州理是

也名曰統萬城至子昌為魏大武所滅置統萬鎮孝文太和十一年改置夏州大業元年以為朔方郡隋末為賊帥梁師都所據貞觀二年討平之改為夏州置都督府天寶元年改為朔方郡乾元元年復為夏州也

州境 東西北七百里 東南至上都一千五百里 東南至東都一千五百里 東南至銀州一百八十里 東南至延州四百里 東南至鹽州三百里 東南至豐州七百里 東至開元賦麻布 霜菴

貢賦 開元賦麻布 霜菴

管縣四

朔方

德靜

寧朔

長澤

朔方縣

上郭下

本漢舊縣今縣理北什賁故城是漢末

荒廢後魏更置巖錄縣隋因之貞觀二年改為朔方縣

契吳山在縣北七十里十六國春秋曰赫連勃勃北

遊契吳歎曰美哉臨廣澤而帶清流吾行地多矣自

馬嶺以北大河以南未之有也

無定河一名朔水一名奢延水源出縣南百步赫連

勃勃於此水之北黑水之南改築大城名統萬城今

索州南無奢延水唯無定河即奢延水也古今異名

耳烏水出縣黑潤東注奢延水本名黑水避周太祖

諱改為烏水初統萬城成勃勃下書曰今都城已建

宜立美名朕方統一天下君臨萬國宜以統萬為名

其城上色白而牢固有九敵峻嶮非力可攻道翻元云

統萬城蒸土加功雉堞雖久崇墉若新

什賁故城在縣理北即漢朔方縣之故城也詩所謂

王命南仲城彼朔方是也漢武帝元朔二年收河南

地置朔方五原郡使校尉蘇建築朔方公孫弘數諫

以為罷弊中國以奉無用之地願罷之上使朱買臣

難弘發十策弘不得一由是卒城之亦謂此也自漢

至今常為關中根植什賁之號蓋蕃語也城西南有

二鹽池大而青白青者名曰青鹽一名戎鹽入藥分也故白城一名契吳城在縣北一百二十五里契吳山赫連中因山所築勃勃堂所歎美故其子昌因立此城以立勃勃之廟

勃勃墓在縣西一十五里隋置白城鎮後廢

德靜縣中下西南至蓋漢朔方縣地周武帝於此置

彌渾戍南有彌渾水因名隋改為德靜鎮尋廢鎮為

縣皇朝因之

無定河自朔方縣界流入

秦長城在縣西二里

寧朔縣中下西北至州本漢朔方地周於此置寧朔

縣屬化政郡自隋罷郡以縣屬夏州皇朝因之

賀蘭山在縣東北三十里

秦長城在縣北十里

長澤縣中下東北至州本漢三封縣地屬朔方郡今

縣北二十里三封故城是也後魏於此置長澤縣屬

闡熙郡隋罷郡以縣屬夏州皇朝因之

闡熙故城在今縣西南二十里

百井戍在縣南八十里勃勃與禿髮擗檀戰處

胡洛鹽池在縣北五百里週迴三十里亦謂之獨樂

池聲相近也漢有鹽官

綏州

上郡

開元戶八千七百十五
元和戶八百四十

鄉一十二

禹貢雍州之域春秋時其地為白翟所居七國時屬魏史記曰魏有西河上郡秦并天下始皇置三十六郡為上郡漢高帝元年項羽立董翳為翟王後廢復為上郡漢武帝徵六郡良家子為羽林郎上郡即其一也案秦上郡城在今州理東南五十里上郡故城是也自後漢末已來荒廢年久俗是稽胡及赫連勃勃都於統萬上郡之地又為赫連部落所居後魏明帝神龜元年東夏州刺史張邵於此置上郡廢帝元年於郡內分置綏州隋湯帝又改為上郡後又改為雕陰郡以雕山在西南故名隋亂陷賊武德三年百姓歸化遂於延州豐林縣置綏州總管貞觀二年討平梁師都廢府移州於今理

州境

東西南北

至上都一千七十里
至延州三百三十里
至銀州一百六十里
至太原五百九十里

東南至東都一千四百里
西至夏州三千六十里

東至石州二百七十里
西南至延州三百三十里
西北至銀州一百六十里
東北至太原五百九十里

貢賦

開元貢 蜡 賦用麻布

管縣五

龍泉

延福

綏德

城平

太斌

龍泉縣中郭下本秦膚施縣地二漢同後魏於此置上

縣取郡為名開皇三年上縣屬綏州大業二年改綏

州為上郡又改為雕陰郡上縣咸屬焉皇朝因而不

改天寶元年改為龍泉

䟽屬山亦名雕陰山即山海經云二負之臣曰危與

二負然窳窳帝乃梏之䟽屬山即此也

無定河一名奢延水自銀州撫寧縣界流入

州城貞觀元年築實中四面石崖東面高八十尺西

面高百四十尺南面高四十尺北面高百二十尺週

迴四里二百步

上郡故城在縣東南五十里始皇使太子扶蘇監蒙

恬於上郡即此處也

吳兒城在縣西北四十里初赫連勃勃破劉裕子義

真於長安遂虜其人築此城以居之號吳兒城

延福縣中下西至州本秦膚施縣地後魏置延陵縣

理延陵村隋文帝改為延福皇朝因之

綏德縣中下北至本漢上郡之地二漢不改魏省上

郡後魏文帝分上郡南界丘尼谷置綏德縣隋不改

皇朝因之武德二年移於吐延水北即今理是也

城平縣中下東北至本秦膚施縣二漢不改後魏孝

明帝於今縣理西三十里庫仁川置城中縣隋改為城平縣自庫仁川移於今理屬上郡皇朝因之

大斌縣中下東至州本秦膚施縣之地後魏孝明帝

神龜元年於今縣東五里置大斌縣屬上郡周隋不

改武德七年於今城平縣界魏平故城改置因隋舊

名大斌者取稽胡懷化文武雜半之

銀州銀州開元戶六千一百二十

鄉十九

禹貢雍州之域春秋時為翟地秦并天下始皇分三

十六郡屬上郡漢為河西郡固陰縣之地晉十六國

時為戎狄所屬符秦建元元年自駝馬城巡撫戎狄

其城即今州理城是也周武帝保定二年分置銀州

因谷為名舊有人救駝馬於此谷虜語駝馬為乞銀

大業二年廢銀州縣屬雕陰郡隋末陷于寇賊貞觀

二年梁師都都於此重置銀州天寶元年為銀州郡

乾元元年復為銀州

州境東西二百七十一里南北二百一十八里

八到東南至石州界黃河一百六十里西南至東至夏州界黃河一百六十里

貢賦麻布粟

貢賦關元貢麟州三百里賦麻布粟

管縣四 儒林 真鄉 開光 撫寧

儒林縣 中郭下本漢固陰縣地以其在固水之陰故名

開皇三年於此置儒林縣屬銀州大業二年廢銀州

以縣屬雕陰郡貞觀二年重置銀州縣又屬焉

無定河自夏州界流入

真鄉縣 中下西至漢固陰縣地周武帝保定二年置

今縣屬銀州皇朝因之

茹盧水源出縣理西北

開光縣 中下西南至漢固陰縣地周武帝保定二年

於今縣理置開光郡宣帝大象二年廢郡置開光縣

屬撫寧郡開皇三年罷郡以縣屬銀州皇朝因之

撫寧縣 中下北至本漢固陰縣地魏廢帝於縣東撫

寧故城置撫寧縣屬撫寧郡開皇三年廢郡以縣移

於今理屬銀州皇朝因之

無定河在縣北二十里

廢宥州 在鹽州東北三百里開元十六年置寶應已

後廢事本末俱新宥州

新宥州 在夏州西北三百二十里在廢宥州東北三

去麟州六百里東西南取夏州路至上都一千三百里東

軍六百八十里東北中受降城五百六十里南去鹽州六

里本在鹽州北三百里初調露元年於靈州南界置

魯麗含塞依契等六州以處突厥降戶時人謂之六胡州長安四年併為匡長二州神龍三年復置蘭池都督府在鹽州白池縣北八十里仍分六州各為一縣以隸之開元十一年康待賓叛亂尅定後遷其人於河南江淮諸州二十六年還其餘黨遂於此置宥州以寬宥為名也後為寧朔郡領縣三懷德延恩歸仁天寶中宥州寄理經畧軍實應已後因循遂廢由是昆夷党項屢來寇擾元和八年冬迴鶻南過磧取柳城谷路討土蕃西城防禦使周懷義表至朝廷大恐以為迴鶻聲言討土蕃意是為寇唯中書侍郎平章事李吉甫以為迴鶻入寇且當斷絕和事不應便來犯邊今之多士居平則橫生異議深沮邊計及聞邊警又承虛聲以洵朝廷冀因幾危搖動時事但當設備不足為慮因請自夏州至天德軍復置廢館一十一所以通急驛又請夏州騎士五百人營於經畧故城應援驛使兼護党項部落上悉從之又上言曰國家舊置六胡州在靈州界內開元中廢六州置宥州以領諸降戶天寶末宥州寄理於經畧軍蓋以謂居中可以總統蕃部北接天德南據夏州今經畧軍遠礙靈武通路垂越又不置軍鎮非舊制也請置宥

州理經畧軍至九年五月詔復於經畧軍城置宥州
乃為上州於州郭下置延息縣為上縣改隸夏綏銀
觀察使取廊城神策行營兵馬使鄭杲下兵士并家
九千人以實經畧軍又置州之日版築之下堀得釜
二百五十四口悉堪烹飪識者以為暗合前賢之規
摹亦足以彰玄化之所感也其釜並散給諸營以資
軍用又頃年每有迴鶻消息常須經太原取驛路至
闕下及秦報到已失事宜今自新宥州北至天德置
新館十一所從天德收夏州乘傳奏事四日餘便至
京師

單于大都護府今為振武節度理所

管州二 麟州 勝州 縣六

東受降城在朔州北三百五十里本漢定襄郡之盛
樂縣也後魏都盛樂亦謂此城武德四年平突厥於
此置雲州貞觀二十年改為雲州都督府麟德三年
改為單于大都護府垂拱二年改為鎮守使聖曆元
年改置安北都護開元七年隸屬東受降城八年復
置單于大都護府

州境

東西南北

八到

西南取太原路至上都一千九百二十里
東南至河界靜邊軍一百二十里

東南至東都一千七百里
南至朔州三百五十里

西南至城都一百二十里
北至黑沙磧口七百里

管縣一金河

金河縣郭中下天寶四年於城內置其振武軍景龍二年張仁愿於今東受降城置天寶四年節度使王忠嗣移於此金河即後魏什翼犍所都盛樂之地道武遷都平城即今雲州所理是也

麟州新秦天寶戶元和戶

禹貢雍州之域秦漢為雲中郡隋開皇二十年置榆

林縣改為勝州天寶元年王忠嗣奏割勝州連谷銀

城兩縣置麟州

州境東西南北至上都一千四百六十里

八到東南西南至東都一千五百一十里

東至嵐州界黃河一百二十里河上有合水關
東至勝州四百里
東北至銀州三百里
西南至銀州三百里

貢賦

管縣三 新秦 連谷 銀城

新秦縣郭中下初漢武帝徙貧人於關中以西及朔方

以南謂之新秦天寶元年置以為縣取漢舊名也

連谷縣州中下南至本漢圖陰縣地屬西河郡在今銀

州儒林縣界隋文帝於此置連谷鎮煬帝改為連谷

成大業十三年廢成貞觀八年於廢成置連谷縣屬
勝州天寶元年割屬麟州

連谷鎮縣理城中貞觀八年置

銀城縣中下北至本漢圓陰縣地屬西河郡漢末大

亂匈奴侵邊雲中西河之間其地遂空訖于魏晉不

立即縣後魏時置石城縣廢帝改為銀城閔武帝保

定二年移於廢石龜鎮城即今縣理是也貞觀因之

屬勝州天寶元年屬麟州

勝州

榆林府

開元戶四千九十五

鄉十三

禹貢雍州之域春秋為戎狄地戰國時為晉趙地地

志云雲中立五原本戎狄地趙有之始皇時分三十

六郡為雲中郡漢因之不改案漢雲中在今州理東

北四十里榆林縣界雲中故城是也漢末大亂匈奴

侵邊其城遂空晉末晉赫連氏

赫連勃勃稱憂都於統萬素統萬城在今

州理西南八百後魏太武平赫連昌之後託于周代

往往置鎮不立縣郡隋文開皇三年此置榆林縣七

年又置榆林縣屬雲州二十年割雲州之榆林富昌

金河三縣置勝州立嘉名也煬帝大業五年以勝州

為榆林郡領榆林富昌金河三縣十五年郡人郭子和以

城入突厥王德四年郭子和歸國其地又陷梁師鄰

貞觀二年平師都三年仍隋舊理置勝州時柴紹劉
蘭破滅匈奴奪得河南之地因置州以波勝為名

州鏡東西南北八到西南東至上都一十八百五十三里

貢賦開北南至豐州七百麻粟賦麻布

管縣二 榆林 河濱

榆林縣中下本漢沙南縣地屬雲中郡漢末北虜侵
擾歷魏晉及周此地皆無縣邑隋開皇七年置榆林

縣地北近榆林即漢之榆溪塞因名屬雲州二十年

改屬勝州皇朝因之

黃河西南自夏州朔方界流入

又有大葭蘆水縣西二百二十里

小葭蘆水縣西二百四十里其間地甚良沃

平河水首受黃河隋文帝開之以通屯倉

金河泊在縣東北二十里週迴十里

雲中故城在縣東北四十里趙雲中城秦雲中郡也

史記曰趙武靈王北破林胡樓煩所置秦因之

隋榆林宮在州城內煬帝大業三年置因榆林郡為

渡河處名君子津

河濱關在縣東北貞觀七年置

豐州

九原
下府

今置都防禦使管

天德軍

西受降城

中受降城

共都防禦使及天德軍使理在西城今移理舊

天德軍城

開元戶一千九百

鄉五

禹貢雍州之域秦上郡之北境秦末沒胡武帝元朔二年使衛青逐去匈奴開置朔方領縣十理三封在今豐州西一百里後漢因之靈帝末羌胡擾亂城邑

皆空永嘉後匈奴衛辰父子新居其地辰子赫連勃
 勃自稱大單于統萬城地屬勃後魏太武擒滅赫
 連昌置統萬鎮孝文改置夏州其地又為夏州之北
 境周武帝於今永豐縣置永豐鎮隋文帝開皇三年
 於鎮置豐州後廢貞觀四年突厥降附又權於此置
 州都督府不領縣唯領蕃戶以史大柰為都督十一
 年大柰死復廢府以地屬靈州二十二年又分置豐
 州永徽九年於州復重置永豐縣四年於郭下又置
 九原縣麟德元年又置豐安縣天寶元年改為九原
 郡乾元元年復為豐州

州境

八到

南	南	東	西	東	南	西	開
至	至	至	至	至	至	至	元
上	東	勝	靈	州	州	州	
都	都	州	州	州	州	州	
一	一	五	九	九	七	八	
千	十	百	百	百	百	十	
八	二	三	五	十	十	十	
百	百	十	十	十	十	十	
里	里	里	里	里	里	里	

貢賦

管縣二 九原 永豐

九原縣中下本漢之廣牧舊地中郡部都尉所理其
 九原縣永徽四年重置其城周隋間俗謂之甘草城
 永豐縣中下州西一本漢臨戎舊地後漢末廢北人
 又謂之賀葛真城周武保定三年於此置永豐鎮開

皇五年廢鎮置永豐縣武德六年省永微九年復置廢豐安縣在州東南四十里開皇六年於縣置豐安

鎮麟德元年改為豐安縣天寶末廢

天德軍

舊理在西受降城權置軍馬於本安北都護

貞觀二十一年於今西受降城東北四十里置燕然

都護以瀚海等六都督皋蘭等七州並隸焉龍朔三

年移於磧北迴紇本部仍改名瀚海都護總章二年

又改名安北都護尋移於甘州東北一千一十八里

隋故大同城鎮垂拱元年置同城鎮其都護權移理

剛丹縣西南九十九里西安城景龍二年又移理西

受降城開元十年又移理中受降城天寶八年張齊

丘又於可敦城置橫塞軍又自中受降城移理橫塞

軍十二年安思順奏廢橫塞軍請於大同川西築城

置軍玄宗賜名曰大安軍十四年築城功畢移天安

軍理焉乾元後改為天德軍緣居人校少遂西南移

三里權居永清柵其理所又移在西受降城自後頻

為河水所侵至元和八年春黃河泛溢城南面毀壞

轉多防禦使周懷義上表請修築約當錢二十一萬

貫中書侍郎平章事李吉甫密陳便宜以西城費用

至廣又難施功請修天德舊城以安軍鎮其大略曰

伏以西城是開元十年張說所築今河水來侵已毀其半臣量其事勢不堪重脩若別築新城所費殊廣計其人功糧食及改屋宇北及事畢不下三十萬貫錢此但計費猶未知出入之處城南面即為水所壞其子城猶堅牢量留一千人足得住居天德軍士合抽居舊城豈可更勞版築虛棄錢物若三城是國家盛制仁愿舊規亦須得天德添兵然後有人脩築案天德舊城在西城正東微南一百八十里其處見有兩城本是永清柵即隋氏大同城舊理去本城約三里已下城甚窄小今隨事宜置仍存天德軍額北城週迴一十二丈高四丈下濶一丈七尺天寶十二載安思順所置其城居大同川中當北戎大路南接牟那山鉗耳背山中出好材木若有勞建不_日可成牟那山南又是麥泊其地良沃遠近不知天寶中安思順郭子儀等本築此城擬為朔方根本其意以中城東城連振武為左翼又以西城豐州連定遠為右臂南制党項北制匈奴左右鈎帶居中處要城長久之規也尋屬祿山有事子儀留老弱於此城身率大衆河北討賊為賊將宋星星所破縱火焚燒遂移天德軍永清柵別置理所於西城口緣添兵未得且因循

併在一處力所不足實非遠圖臣久訪略已計料約
脩此城不過二萬貫錢今若於天德舊城隨事增飭
因有移換仍取城隸於天德軍別置使名自為雄鎮
以聲勢可龍言殊鄰詔從之於是復移天德軍理所於
舊城焉先是緣邊居人常苦室常党項之所侵掠投
竄山谷不知所從及新城施功之日遂有三萬餘家
移止城內初議者又慮城大無人以實及是遠近奔
湊邊軍益壯人心遂安沃野故城在軍城北六十里即
是後魏時六鎮從西第一鎮也

州竟東西南北

八到西取寧遠鎮故洛陽北至夏州至上都一千八百里
西南取渡河至豐州一百六十里
西北至橫塞軍城二百里
西至西受降城一百八十里
西南至新宥州六百里

東受降城本漢雲中郡北在榆林縣東北八里今屬

振武節度城南至上都一千
八百里

東南至東都取單于路一千八百里
東北至單于都護府一百二十里
東北至朔州四百里
西至中受降城三百里
北至磧口八百里

武川城今名里城後魏六鎮從西第三鎮在軍北三
百里自北出石門障即光祿城右入匈奴大路光祿
城東北有懷朔古城其城即後魏六鎮從西第二鎮
在今中城界向北化柵側近也

中受降城本漢九原郡地漢武帝元朔二年更名五原開元十年於此城置安北大都護府後又移徙事具天德軍敬本古城在中城北四十里鄭虔軍錄曰時人以張仁愿河外築三城自古未有今敬本城周一萬八百七十二步壕塹深峻亦古之堅守 耽古今述曰以地理求之前代九原郡城也

西受降城城東南至上都一千八百六十里東至中受降城三百里西至麟州四百里南至積口五百里北至和九年移理天德軍城在豐州西北八十

里蓋漢朔方郡地臨河縣故理處開元初為河水所壞至開元十年總管張說於故城東別置新城今城一本云其後城西南隅又為河水所壞本末具天德軍

城東南至上都一千八百八十里東至東都取單于路二百五十里正東南至天德軍一百八十里東南至豐州八十里東至渡河至豐州八十里西至積口三百里積口西至回鶻衙帳一千丹五里

右三受降城景雲三年張仁愿所置也初突厥入寇朔方軍總管沙吒忠義為賊所敗詔仁愿代之先是朔方軍北與突厥以河為界河北岸有拂雲堆神祠突厥將入寇必先詣祠祭酹求福因牧馬料兵而後

渡河時突厥默啜盡衆西擊突騎施婆葛仁愿奏請
乘虛奪取漢南之地於河北築三受降城首尾相應
絕其南寇之路太子少師唐休璟以為兩漢已來皆
北守黃河今於寇境築城恐勞人費功終為賊所有
仁愿固請不已中宗竟從之仁愿表留年滿鎮兵以
助其功時咸陽兵二百餘人逃歸仁愿擒獲盡斬之
軍中股慄六旬而三城俱就以拂雲祠為中城與東
西兩城相去各四百餘里遙應接北拓三百餘里於
牛頭牟那山北置烽候一千八百所自是突厥不得
度山放牧朔方無復寇掠減鎮兵數萬人初三城不
置壅門及曲敵戰具或問曰邊城禦賊之所不為守
備何也仁愿曰寇若至此當併力出戰迴顧望城猶
須斬之何用守備生其退恐之心其後常元楷為總
管始築壅門議者劣之

